

NYOTA

 Nda kulumba, Mukwesu Vayle. [Kabeela katakwecintu aa teepu—Mul.]

Kwasiya kabotu, mweenzuma. Ncoolwe kuba kokuno sunumasiku. Eci nciindi cangu cabili kuba kokuno muli oyu Grantway Assembly, a mukwesu uyandwa, Mack, a boonse aba bableesi babotu awa, a kusangana Banakristo kuzwa ku mambungano aindene, Mukwesu Lee Vayle. Elyo Nda zwaa kuswaana mukwesu awa, oyo, i—i mweenzuma wamunsi ku Mukwesu F. F. Bosworth, akuta ziba akwalo kuti Mukwesu Bosworth wakanka kuya kuswaana Mwami. Nda kati, “Nda limvwa mbuli kuti Nda kaswaana Elisha oyo wakatila maanzi mu maanza aa Eliya,” cindi nibakali kumasena ambi alimwi tiiba kazi kuti Mukwesu Bosworth wakali unkide kuyo swaana Mwami, ku myaka ili makumi ali lusele ayone yakukomena.

² Lino Ndi yanda ku juzya bantu bali ku zibelesyo zyakukwabana zya matelefooni sunu masiku, koonse ku cisi, lweendo loonse kuzwa ku California kusikaku New York, a Texas a—a zibeela zyandeene zya cisi, kuzwa ku Maine kusikaku California. Aboobo, tu jisi i—i bubambe bwa ku zibelesyo zyakukwabana ku matelefooni aya, eco cakali cilongezyo cipati. Elyo lino tula mvwisya, kwiinda ku mweenzuma mubotu, Mukwesu Pearry Green, cakuti ba jisi ii—ii cibelesyo ciniini nciba konzya kubikka a televizioni yako, alimwi tacikabi buyo aa telefoonni pele ciya kutondezgwa moonya mu televizhioni yako, akwalo. Elyo bali mukubona kujatikizya ncico lino.

³ Elyo, Mucizi Mack, Ndili kkomene ku kubona kolangide kabotu, uukkede awa ku organi, sunumasiku. Elyo bunji bwa beenzuma bangu Nda bona kuzwa kumusanza ku Sierra Vita, a Mukwesu Borders...na Mukwesu Roberson, mubwini, kuzwa mu Indiana; banji. Ndi yanda kwaamba ku bantu kutala ku cikombelo, sunumasiku, kuboneka mbuli kuti cisela ca mbabo bali kunselelo okuno, a kuzwa ku cikombelo caku Jeffersonville.

⁴ Alimwi ku mwenzuma kutala okuya, Mukwesu Koontz, kuti waka tumina makani, ajatikizya oyo uuciswa, nkumbizyo. Ndai kombela, Mukwesu Koontz. Koba buyo a lusyomo. Uta pengi. Kuyooba kabotu.

⁵ Elyo kumusanza mu Texas, Mukwesu Blair, ikuti na ula swiilila ku kapepele sunumasiku, mukwesu wangu, koyeeya buyo eci; kuti Leza Oyo waka muleta mu ciindi citaanzi, konzya ku muleta mu kawwalu. Elyo tula syoma kuti Leza uyo kupa ceeći kuli nduwe. Elyo uta bwezi bubeji bwa dyabulosi kujatikizya cintu cili coonse. Nywebo amuyeeeye buyo kuti Leza ngu Leza, alimwi kuli...alimwi Walo ucili mbobuca nguwenya, sunu,

amuya myaaka. Elyo tula Mu yanda a ku Mu syoma, alimwi tula kukombela.

⁶ Ku beenzuma besu boonse mu California; ku Mukwesu Mercier a bamwi kutala okuno mu Arizona, masena manji ambi, Phoenix; a Mukwesu Williams, alimwi nyoonse muli ku zibelesyo zyakukwabana kutala okuya sunumasiku, kuzunguluka koonse, tuli lumbide ncobeni; alimwi kumusanza mu Georgia. Elyo tuli lumbide ncobeni kuli umwi aumwi wanu. I Mwami amu longezye.

⁷ Ndi jisi kulimvwa kwa kutambulwa kwini okuno sunumasiku, mu mbungano eyi mbotu, Assemblisi ya Leza okuno ku Granty, a Mukwesu Mack, mweenzuma wangu mubotu. Leza walongezya Mukwesu Mack. Nda yeeya ciindi cimwi mu Canada, kuti wa kali... Nda kali kweenzya kujoka mu mukondo, aa mbizi, kulaale mu zisaka, elyo Muuya Uusalala wakananana kuli ndime kuzwa a kukombela Mukwesu Mack. Ku ciindi eco wa kali mu cibukilambuta, nkabela Mwami waka muponya. Elyo aboobo Ndili lumbide kapati kuli ceeco, a kubungana okuno sunumasiku a nguwe, ku kukomba Mwami mu Bwini obu bubotu.

⁸ Ii mwaalumi uukkede aa cibumbili, kusule lyangu, wakati, "Uta yeeyeli kuti uli ndizi." Kati, "Cimwi ciindi wakandi bweza, mbuli sikulombelela kutanta myoota mu migwagwa," alimwi, Ta ndizi, ku busena bumwi kutala mu Boston na ku busena bumwi, "Detroit, kulombelela kutanta mtoonta mu migwagwa."

⁹ Elyo Nda kati, "Ee, kanji Ndi sola kuba a janza kuzwa, ikuti na Nda konzya, kuli baabo babulide."

¹⁰ Elyo aboobo, sunumasiku, toonse tuli bulide. Elyo twa komba kuti Leza uyo tupa janza sunumasiku, lya lugwasyo, lwa zilongezyo, a zya luzyalo a luse Lwakwe.

¹¹ Lino, Ndi baanga nda yeelela kukanana kwa ciindi cilamfu, pele Nse soli kucita ceeco sunumasiku. Nkaambo, bantu kutala mu Ohio bakaita buyo kuti, Muka. Dauch a nkamu kutala okuya, Mukwesu McKinney a Mukwesu Brown, a boonse babo baka zibelesyo zyakukwabana kwiinda mu Ohio. Twa mutumina njuzyo, anywebo. Ciindi camana kale mu New York, alimwi Ndi yeeyela kuti itandila kuba ileveni na twelufu okuloko, ku ciindi eci, mu New York. Elyo mambungano akasika a kulindila mane oora eli, ku kuswaangana buyo. Tuli lumbide ku beenzuma abo babotu koonse.

¹² Lino katutana kujula Ijwi, atu kanane buyo kuli Mukamwini, asyoonto, kuciindi notu kotamika mitwe yesu.

¹³ Oyandwa Taata Wakujulu, tuli...myoyo yesu yaindilila kutandwa, ku coolwe nco tujisi ca baumi okuno sunumasiku, a kubungana antoomwe a bantu Bako. I bantu... alimwi abo mbo tusyoma kupona kwalyonse. Lino tu jisi Buumi Butamani, nkaambo, "Wa kapa Mwana Wako simuzyalwa alikke, kuti

kufumbwa uusyoma muli Nguwe taka lobi, pele kuba a Buumi buteeli." Mu buzwakule Bwakwe ano aa nyika, Wa ka tuyiisya, "Oyo uumvwa Ijwi Lyangu a kusyoma aali Nguwe oyo waka Ndi tuma, ujisi Buumi buteeli; alimwi taka booli mu lubeta, pele wazwa ku lufu kuyaku Buumi, nkaambo tula syoma aa Mwana wa Leza simuzyalwa alikke." Obo mbotu Ku lumba nkambo ka oyu Mufutuli mupati! Elyo twa komba, sunumasiku, kuti Busyu Bwakwe bupati buyo tulongeza loko antoomwe awa, mbuli mbo tubala aa Ijwi Lyakwe a kukanana ali Ndilayo. Lekela Muuya Uusalala ubweze ceeco ku moyo aumwi moonse mu cisi, Mwami, oko bantu nkoba bungene antoomwe.

¹⁴ Longezya bakutausi bamwi bali mu cikambaukilo. Twa komba, Taata, kuti Uyo longezya oyu Grantway Assembilisi; mweembeli wakwe, mukaintu wakwe, bana bakwe; bamadaikona, basyomesi, a nkamu yoonse yeendelezya. Elyo, Taata, antoomwe akube kuti tu belekele Bwami bwa Leza, kuciindi Mumuni munji wa kubona oko nko tuya bunganina, nkambo oora lilasika cindi muntu nata kakonzyi kubeleka. Elyo, Taata, kuciindi notu jisi coolwe eci, akube kuti tu—kuti tununune ciindi, Mwami. Akube kuti swebo, eco cipegwe kuli ndiswe. Koponya balwazi a bapengede moonse mu cisi. Akube kuti Busyu bwa Leza bumvugwe mu lwaanzi alumwi lwa cisi, sunumasiku.

¹⁵ Tula mvwisya kuti lubeta lulauma. Tumpenda tupati tuli mukuwida mukati, nkabela cisi cili mukuzungaana, a mizuzumo yanyika mu masena ansininsini. Zintu zyakaindi zipati nzo twa kamvwa mu mazuba akainda, zya lubeta, kwiinda mu Bbaibbele, elyo tula cibona kaciloolola alubo sunu. I cisinsime ka caamba, "Mbuli mbo kwakabede mu mazuba akwa Nowa, mbubonya mbo kuyooba mu kuboola kwa Mwana wa muntu. Mbuli mbo kwakabede mu mazuba akwa Lota, mbubonya mbo kuyooba mu kuboola kwa Mwana wa muntu," nkabela tula cibona kacicitika lino. "Myoyo ya bantu ili mukuwizuka; kunyongana akulibilika kwa ciindi; mafwabi akati ka masi." Leza, tu lizi kuti tuli ku ciindi camamanino.

¹⁶ Kotu gwasya, Mwami, ku—ku tola Mulumbe mu lwaanzi a kkona lyonse, ku mwana onse Ngo kasalila Buumi. Ko cipa, Mwami. Twa cilomba mu Zina lya Jesu. Ameni. Mwami, longezya kubala lino kwa Ijwi Lyakwe.

¹⁷ Lino bunji bwanu mula yanda kubaanga nkulanga mu Bbaibbele, awo mukutausi mpa bala. Elyo Ndi yanda kubala sunumasiku, tumpango, tusyoonto kuzwa mu Ntembauzyo, Ntembauzyo 42, buyo ku nzila yakuba a cibalo. Elyo Ndi jisi Magwalo amwi aalemedbedwe awa, alimwi Ndi yanda kutondeka kuli ngawo, ikuti na Nda konzya, mbuli mbo tuunka antoomwe mu maminiti masyoonto aacilila, ku kanana aa ciyo eci. I Ntembauzyo ya Davida. Davida wakalemba Ntembauzyo.

¹⁸ Lino kuciindi nomu jula, inga Nda amba cee ci. Bantu banji balati, “Ee, sa Ntembauzyo ili nanikidwe?” Nincobeni, zili obo. Zili . . .

¹⁹ Kufumbwa cintu eco—eco cili mu Bbaibbele eli cili nanikidwe, naa ngu makani aakale, naa ni nyimbo, kufumbwa mbo cibede. Cili nanikidwe. Jesu wakati, “Sena tee mwakabala eco Davida nca kaamba mu Ntembauzyo?” Elyo mpawo Ndi yeeya kuti, Ntembauzyo, mubwini, ni nyimbo. Elyo ikuti na nyimbo zili nanikidwe aa Leza, kwalo, Nda syoma mbo babede, a businsimi akwalo, Nda syoma Ndi liimvwi buzuba obo cindi lwiimbo olu lwacitika:

Kuyooba muswaangano mu mulengalenga,
Mu bubotu obo, bubotu aakale;
Ndiyo kuswaana aku kujuzya mutala okuya
Mu muunzi oyo kwiindilila mulengalenga;
Kwiimba oko kwakasola kumvugwa, kasola
kumvugwa kwiinda ku matwi aafwika,
Ci yooba cabulemu, Nda lungulula!
Elyo Mwana Wini wa Leza uyooba Umwi
usololela
Ku muswaangano oyo mu mulengalenga.

Oh, Ndi—Ndi yanda kuyooba kokuya ku ciindi eco!

²⁰ Lino Ntembauzyo 42:

*Mbuli insya mboi fwekembela maanzi aku tulonga,
mbubonya buntu bwangu mbo busukamina nduwe, O
Leza.*

Buntu bwangu busu *kamina Leza, nkambo Leza*
muumi: ndelili Nyeo boola kulibonya kumbele lya Leza?

*Misozi yangu yakaba cakulya cangu isikati a masiku,
kuciindi cangu...kuciindi niba kazumanana ku
ndaambila kuti, Uli kuli Leza wako?*

²¹ Ndi yeeya kuti, Davida, mu kulemba kwa Ntembauzyo eyi, kweelede kuti wakali mu kufwaba. Alimwi citola mafwabi kutondezya bubotu kuzwa ku muntu. Calo, ncobeni, nce cindi Leza . . . nasika ansi cindi twa liimya kulya, ziindi zinji, kulibikka lwesu mu masena akuli gusya lwesu munzila. Elyo Ndi yeeya kuti, cindi Davida naka njila mu masena aya, mpawo wa katalika kuyeeya aa Mwami, katalika kuyeeya makani aa zintu.

²² Ziindi zinji, Leza ula tu njizya mu—mu makkona aamapenzi oko nko tweelede kulanga. Ziindizimwi akwalo tweelede kujoka ku cibbadela cesu, na bulo kubusena bumwi, kutegwa tukonzye kulanga mujulu kubona oko zilongezyo zipati zya Leza nko zizwa.

²³ Lino ijwi Ndi yanda kukanana kuzwa sunumasiku, bbala lyomwe kuzwa mu Bbaibbele, nkabelo ako kajanwa mu

kampango ka 2, “*nyota*,” i bbala: *Nyota*. Nda kali kulanga mu dikishinari cindi Ne kali kulanga bbala eli.

²⁴ Nda kali kuyeyya kujatikizya i—i nkambauko ciindi cimwi, Nda kakambauka aa *Kufwa Nyota Ya Buumi*. Elyo Nda kacigusya mu Ntembauzyo, amebo, cindi Davida nakati, “Milazyo yako,” Nda syoma, “ila yandikana maningi kuli ndime kwiinda buumi.”

²⁵ Mpawo Nda kali kulanga a kuyeyya makani aa bbala eelyo “*nyota*,” aboobo Nda kalungumana mu dikishinari, kubona eco nco lyaamba. Elyo nceeci eco Webster ncaamba, “Nkuyanda kucisa,” kucisa, cindi wa yanda cintucimwi cibyaabi loko kusikila caba cicisa kuli nduwe.

²⁶ Lino, ta—ta cili cintu ceelede, kufwa nyota. Nyota calo ii—ii ncintu cakunyama. Ngu cintu cimwi buyo eco Leza nca katupa, eco nco tukonzya, ku tupa i—i kuyandisya kwa cintu cimwi. Ziindizimwi Leza ulijisi, awalo, wamupa ii—ii ngazi ya bweendelezi, cintucimwi eco cikkede mukati kanu, eco—eco ceendelezya kuyandisya oku kwaandeene. Elyo nyota eyi, ngazi eyi ya kweendelezezya eyo iikkede mu moyo wa muntu, ncintucimwi eco Leza nca kamupa ku—ku mucenjezya kuyandisya kwa kuyandisya oko kula kumuyanda.

²⁷ Lino kuli misyobo yobilo yandeeene ya nyota. Kuli nyota, ku mibili. Elyo kuli nyota, akwalo, kumuuya. Ndi yanda kubala ceeici, eco Davida nca kaamba, alubo.

Buntu bwangu busu kamina Leza, nkambo Leza muumi: . . .

²⁸ Kutali makani aakale amwi, na cintucimwi eco cakacitika myaka imwi yakanida, na—na kaano kamwi ako umwi nka kaamba; pele, “nkambo Leza muumi,” Leza oyo uliko lyoonse. Elyo buntu bwakwe bwakafwa nyota nkambo ka Leza oyo, kutali ku cintucimwi cakaindi.

²⁹ Lino tu jana kuti, Leza ulapa ngazi kuli ndinywe, ku mupa zintu nzo tuyanda. Lino, ngazi ya bweebdelezi muli nduwe nji kulailila. Alimwi eyi nyota injila muli eyi ya bwe—... ngazi ya bweendelezi, aku kwaambilila eco nco bulide, kukanana kumuuya. I ngazi ya bweendelezi mu mibili, a mu buntu, akwalo. Kuli ngazi ya bweendelezi mu mibili, eyo imwaambilila kubula oko kuyandikana mu mibili wanu, alimwi caka letwa kuli nduwe ku nyota. Akwalo, kuli ngazi ya bweendelezi mu buntu bwako, eyo imwaambilila zintu zya kumuuya ezyo nzo mubulide, cintucimwi mu muuya wako, alimwi, alimwi yebo kuli ceeici konzya kuziba musyobo wa buumi uyendelezya.

³⁰ Cindi wa—cindi wa konzya kubona kuyandisya kwako mbo kubede, mpawo inga waziba, kuli ceeco, musyobo nzi wa cintucimwi cili muli nduwe, eco cilenga kuyandisya oku nko jisi. Mwabona, kuli cintu cimwi nco mufwida nyota, elyo inga ca—elyo inga ca kwaambilila mu buntu bwako oko kuyandisya oku

mbo kubede, ku bupange bwa nyota njo jisi. Nda syoma kuti inga mwa cimvwisya eco.

³¹ Kuli ii—ii ngazi ya buntu, alimwi imwi ya mubili, aimwi ngazi njia kwiitila kucenjezya kubula kwa cimwi. Aimwi iitila kula kwa sikwiita nca itila, ila tuma mayuwe a kucenjezya.

³² Kupa mukozyanyo, i—i nyama nyota kukkutya kuyandisya kuli mu mubili, elyo muuya uyanda ku zintu zili mu buntu, kuyandisya nku, alimwi ziindi zinji eyi nkondo imwi kulwana imbi. Tula jana awo, penzi pati sunu, kuti bantu banji loko basola kupona akati ka kuyandisya oko kobilo. Nkambo, umwi wabo uyanda zintu zya nyika, kuyandisya kumbi kwa zintu zyaku Julu.

³³ Mbuli Paulo mbwa kaamba, kupandulula mbuli mu ba Roma 7:21, “Cindi Nda cita cibotu, mpawo bubi buli afwaafwi.” Cindi wasola, sa wakasola kuba aceeco mu luzibo, Banakristo? Kuti cindi wasola kucita cintucimwi eco cileelela, kuunka kubamba kusoleka kucita cintucimwi eco cibotu, mpawo ula jana kuti kuli dyabulosi, ku janza lyoonse, ku kunyonganya buyo, zintuzyonse nzo konzya... Elyo eco ncintu comwe cibotu, eco. Ndi yanda kwaamba ceeci, kuti Banakristo inga baziba. Kuti cindi wa—cindi wa talika kucita cintucimwi, elyo kuli cintucimwi lyoonse cisola ku kunyonganya mu kucicita, ko cicita nekuba. Oyo ngu dyabulosi awo, kusola ku musinkila kuti mutaciti eco ciluleme.

³⁴ Lino, ziindi zinji, Nda swaana bantu abo bali mukupengana aniini. Cindi ba jana kuti bali mukusola kucita cintu cimwi, alimwi—alimwi zintu zyoonse zili muku cisinkila buyo ku mabazu obile, ba lati, “Inga tee lwakali luyando lwa Mwami.” Mwabona? Lino muta lekeli dyabulosi kubeja kuli ndinywe mbuli boobo.

³⁵ I cintu citaanzi, nkuziba naa nduyando lwa Leza, na pe. Elyo mpawo ikuti na tuyanda kuziba naa nduyando lwa Leza, amulange mu Bbaibbele. Nceeco cintu eco—eco cimubamba kululama, ndi Ijwi lya Leza; elyo mpawo ikuti na wabona kuteeti cili mu Ijwi lya Leza, kuli nduwe kucicita.

³⁶ Mbuli, kupa mukozyanyo, kuyandaula lubbizyo lwa Muuya Uusalala. Ziindi zinji, Nda kazuzila mu bantu, kwaamba, “Ee, Nda kayandaula Muuya Uusalala, nkabela Nse kakonzya buya Kuu tambula. Nse syomi kuti Nca ndime. Ciindi coonse Nda selemuka, Nda ciswa. Elyo Nda unka kuyo paila, ikuti na Nda liimya kulya, Nda ciswa. Elyo ikuti na Nda sola kukkanala busiku boonse, Nda kkala, Nda ona loko. Nse—Nse konzyi kuzwa ku matende angu.” Amuyeeye, oyo ngu dyabulosi. Nkaambo, Leza ukanza nduwe kuba a Muuya Uusalala. Ngwa muntu oonse uyanda.

³⁷ Ziindi zinji mula jana, cindi mwa kombelwa, mu muswaangano, ku kuponesegwa kwa Buleza, mpawo buzuba bwakatobela moyo jana kuti, kwiina kuzumbaauzya, kuti

dyabulosi uyo bamba eco ziindi zyobilo bubyabi mbuli mbo kwakabede buzuba kabutanaba. Mwabona? Amuyeeeye, oyo ngu Saatani buyo kasola ku kugwisya ku cilongezyo eco Leza nca jisi kuli ndinywe. Mwabona? Muta swiilili mulombwana oyo. Mwabona? Lyoonse kubindaanina mpoonya awo.

³⁸ Nda kajisi luzibo a ceeco cainoinoino mu lweendo kuya ku Africa. Icuti na Nda kasola kuba aciindi cili coonse eco dyabulosi nca kasola kundi bindaanina, wakeelede kuya ku Africa ciindi eci camamanino. Ya kaba imwi ya i—i miswaangano mibotu a ziindi Nze kasola kuunka kumasena alandukwa lwizi. Ndi jisi, Nda syoma, zintu zinji zya kazulila mu ciindi eco ciniini eco nce Nda kaliko, kunze lya lweendo lwangu lwa kuvwima, kwiinda Mbwe kasola kucita kufumbwa ciindi. Nda kali kuyeeya lyoonse kuti mambungano ayo takali kuyanda ndime okuya, a kuboola kuziba... Nda kajisi lugwalo kuzwa ku muntu umwi, olo mbo lwakabede, oh, teeba kali kundi yanda okuya, nkamu yoонse; a kujana kuti wakali muntu omwe, kajisi kkeyala kuzwa ku kabunga, ako kati, “Ta tuyandi,” wa kali kumwaambila a mukwasyi wakwe. Mwabona? Aboobo mpawo cindi Ne kasika okuya... Mwabona, buyo “swebo,” oyo wakali nguwe a mukwasyi wakwe; alimwi tii bakali bantu, pee. Aboobo, lino muunda mupati waka tujulila.

³⁹ Nywebo mwabona, cindi Paulo nakati, “Cindi Nda kucita cibotu, mpawo bubi buli afwaafwi.”

⁴⁰ Amu lekele musanduki mukubusyi aboole ku cipaililo, abusena bumwi awa mu cikombelo eci, na—na kuzwa koonse ku cisi; elyo amuyeeye buyo, juunza, baama bayo nyemena kwiinda mbwa kabede lyoonse, taata uyo nyongana, a basicikolo boonse baniini. Elyo zintuzyonse zyeenda buyo buteelede, nkaambo ngu Saatani kasola ku mubamba kunyona. Uli mukusola kumutanda kuzwa mu Kazila. “Cindi Nda yanda kucita cibotu, mpawo bubi lyoonse buli afwaafwi.”

⁴¹ Lino atu lange ku nyota, alimwi atu bone naa mubwini nyota ncintu cakunyama. Nda kajisi bantu ba kundaambila kuti, “Oh, Nse kacita. Ndi syoma kuti nca bantu bamwi buyo bayanda kuba Banakristo.” Oh, peepe. Eco cili lubide. Calo ncintucimwi eco ciswaangene a muntunsi oonse. Nca bwini ncobeni. Cindi twa boola ku cisi eci mu mazuba mataanzni, twa kajana bama India awa. Elyo bama India, nekubakuti bakali bahedeni ku ciindi eco, ba kakomba zuba na cintucimwi. Kufumbwa kuti kabali bantunsi, kuli cintucimwi muli mbabo, nyota ya kunyama, kwiitila Leza, kubusenabumwi.

⁴² Kaindi mu masaka, calino buyo kaindi okuya, mamaile ali myaanda yone a makumi ali lusele kuzwa ku lusumpuko luli munsi loko, dolopo, liniini lisyoonto lya bantu batandila ku zyuulu zyotatwe, baku Beira, mu Mozambique. Twa kajana basicisi abo batakali... batana bwene muntu mukuwa. Nda

kajana musimbi wa munyinzi, ta kasamide zisani, (kufumbwa wabo kata samide zisani), elyo waa kali kkede mu cisamu. Elyo Nda kali kumutobezya mulavu, nkabela kwakali... Nda kamvwa cintucimwi mbuli muntunsi, nkekwiila. Oyu musimbi sicisi kakkede alya, wa meso mapati, kajisi muvwanda. Elyo eco nca kayoowa kujatikizya... Obo mbo cikwabilizyo cakwe buyo, nkutanta cisamu, kuzwa ku mulavu, siluwe na cintucimwi, na munyama umwi. Elyo waa kali ndibwene, a kumvwa kuti wakali muntunsi, pele cindi na kalanga a kubona muntu mukuwa! Ta kalina bwene omwe mu buumi bwakwe, mwabona, nkabela waa kayoowa calufu. Mwabona?

⁴³ Pele cindi twa jana bantu abo, akwalo mu ciimo eco caansi loko kaindi okuya, bakali kukomba. Katu taninga kwita mulavu mukati, baka tila busu (eco nco balya) a tuvu liniini, a kukamba maanza abo, a kwiitila muuya wa cintucimwi cipati ncoba takazi awo (mbuli musalali uzizilwe patrick na cintucimwi, ku muna Katolika), ku kubakwabilila, kuti taba kajaigwa kuciindi ca kulaililwa kwa mulavu oyu.

⁴⁴ Mwabona, ncintucimwi cakunyama. Tacili cintu ceelede nyota ya Leza. Ncintu cakunyama. Ncintucimwi buyo eco ncoelede kucita. Leza waka kubamba mbuli booboo. Elyo tali muntunsi wiinda, ncobeni muntunsi uzizilwe. Tali buyo musalesale ku bantu bamwi.

⁴⁵ Ba lati, "Ee, Nda kabona bantu bamwi kabapona buumi buli booboo ii-ii buumi bwa kuzunda, kuti bali aa ng'anda cakuzumanana, bali mukulumbaizya Leza. Ni Nda konzya kulimvwa nzila eyo." Ee, kaambo ncoli mukulimvwa munzila eyo, ni nyota muli nduwe. Elyo ncintu buyo cakunyama. Nca muntu aumwi, kufwa nyota ya Leza.

⁴⁶ Lino tuyu bweza bamwi basinyama. Nyota nja kusaanguna. Atu bweze, kupa mukozyanyo, nyota ya maanzi. Mbuli Davida mbwa kaamba awa, nyota ya, ya "maanzi." Nyota ya maanzi, mubili uli mukubula maanzi. Elyo ikuti na topi nyota eyo, uyo loba. Uyo mana meenda, nkabela toka-toka poni pe. Ikuti na to konzyi kuleta maanzi ku nyota eyo, kutontozya nyota eyo ya mubili wakunyama uyo loba cakufwambaana. To kaponi ciindi cilamfu. Ula konzya kupona ciindi cilamfu kakutakwe cakulya kwiinda mbo konzya kakutakwe maanzi. Nkaambo, inga mwa liimya kulya kwa mazuba ali makumi one (Jesu wakacita), Nda yeeyela, kakutakwe—kakutakwe cakulya, pele inga to cicita eco kwakaindi kalamfu kakutakwe maanzi. Inga wayuminina buyo a kufwa. We elede kuba a maanzi. Elyo—elyo nyota eyo iboola ali nduwe, baa, nku tondezya kuti mubili uli mukubula cintucimwi, ku cibamba kupona. I mubili weelede kuba a maanzi, kutegwa ukkale kabali baumi. Muli peseenti ili makumi ali lusele aimwi ya maanzi a petroliamu, nekuba, alimwi weelede kulya otu tuyandika, kuti kli muumi kabotu. Mbuli Mbwe amba, ikuti na wa unduluzya uyo loba.

⁴⁷ I nyota ayalo ni kulibilika. Ni nkoloko ya ntobolo, eyo nyota. I buntu bulizya nkoloko ya kucenjezya, kalangu kaniini mkti ka nduwe kakwaambila kuti lufu lula kwelelezya munsi. Kuti, ikuti na tojani maanzi cakufwambaana loko, weelete kufwa. Elyo cila mvwika a kwaambisy a loko, kusikila kumalekelo moyo citantamuna nkabela moyo fwa, nkaambo ni nkoloko ya kulibilika.

⁴⁸ Mbuli Davida mbwa kacipandulula omuno mu Ntembauzyo, “Mbuli insya mboi fwekembela maanzi akumbilwa, ila yumya loko buntu bwangu kuli Nduwe, O Leza.” Mbuli insya mbwi fwekembela maanzi aku kalonga!

⁴⁹ Nda kayeeya kanji, mbuli kubala eci ca Davida. Davida wakali sigani, muvwimi. Elyo wa kavwima doe, mubwini. Elyo bunji bwesu, mu buzuba obuno, ku bavwima. I kantimbwa ngu doe.

⁵⁰ Elyo tula jana, ikuti na wakasola kubona babwa, babwa bamusokwe bayo kwempa doe. Alimwi kanji bali jisi, mbuli baumpe, meno malamfu abosya. Elyo ula konzya kukwempa doe mpoonya atala lya nsoke ya kutwi, *awa*, a kuvukauzya kulema kwakwe. Ula kazapula kameneno ka doe, eelyo doe taijisi coolwe mpawo. Pele ziindizimwi i—i—i mubwa, mbuli mu Africa okuya, i mubwa wamusokwe uyo kwempa doe moonya mu mpani, ikuti na ta sweekelwi kameneno. Uyo kwempa, ciindi cabili, aa cuuno. Elyo ikuti na munyama deo muyumu kwini a kufwambaana loko, inga wa zungaanya mubwa kuzwa.

⁵¹ I doe ila fwambaana kapati. I mubwa ula musimpa cindi nata langi, elyo cindi nali mu luwo kuzwa kuli nguwe, alimwi—alimwi ta—ta zyi i—i mubwa uli afwaafwi.

⁵² Elyo mpawo, cindi mubwa wamusokwe aku mukwempa, ikuti na ula fwambaana loko, inga wausowa. Alimwi, pele cindi mubwa azwa kumbali, uno jisi cituli ca doe mulomo kauzwide. Na, cindi akwempa nsingo yakwe ziindizinji, ula izapula nsinga ya bulowa izwa ku mutwe, aku yiimpya. Elyo munyama deo, kamuzungaanya, uyo somona citanda coonse kuzwa mu kameneno ka doe, mpawo bulowa bwakatalika kubeleka.

⁵³ Elyo mpawo mubwa uyo boola moonya mu mukondo wa bulowa obo, kwakumana doe. Elyo mbuli buumi bwa munyama deo mbo bwakatalika kuceya, mbuli bulowa, buli ni kukunka kwa buumi ku mibili, mbuli obo bwakatalika kuceya, doe ula kompama loko. Elyo mubwa mpawo, na umpe, uli nkoonya kusule lya doe.

⁵⁴ Lino, ikuti oyo doe takonzyi kujana maanzi! Lino, maanzi ajisi cintucimwi muli ngawo, kuti, cindi doe anywa maanzi, ala lesya kuzwa bulowa. Pele ikuti na tajani maanzi kuti akamu tontozye, mpawo i—i bulowa bula zumanana kukunka kufwambaana loko; nkaambo uli mukuzuza, kabamba moyo

wakwe ku guja. Pele ikuti na wakonzya kusola kuteka maanzi, doe uyo pona.

⁵⁵ Lino kuli ciiyo cipati awo, mwabona, alimwi Davida kaamba awa, “Mbuli insya mbwi fwekembela maanzi aku kalonga, buntu bwangu bula Ku yuminina, O Leza.”

⁵⁶ Lino oyo doe ulizi, citakuti wa jana maanzi wafwa. Ta konzyi buyo kupona. Nda kabatobezya ziindi zinji kumane kuyaswa. Cindi akuma kalonga ka maanzi, uyo landuka a kubweza cakunywa, kutanta cilundi; kujoka kunselelo, kutala, kuya kunywa maanzi akutanta. Toka kakonzyi kwijata, kufumbwa kuti kai tobela ako kalonga. Pele lomwe cindi aa siya kalonga, ikuti na takonzyi kujana kalonga kambi ka maanzi kubusena bumwi, uyo mujata mpoonya awo. Elyo lino munyama deo ulizi obo, aboobo uyo kkala ncobeni a maanzi, awo mpa konzya kusika kuli ngawo cakufwambaana. Lino sa inga mwayeeyela munyama diiya a mpemo yakwe mujulu, wa kakwempwa kubusena bumwi oko kutakwe maanzi?

⁵⁷ Elyo ulati, “Mbuli nsya noifwa nyota na kusu kamina (ni nyota) maanzi aku tulonga, buntu bwangu bula Ku jata, O Leza. Citakuti Nda konzya ku Ku jana, Mwami, Njo nyonyooka. Nse—Nse—Nse konzyi kuunka citakuti Nda Ku jana!” Elyo cindi mwaalumi na mwanakazi, mulombe na musimbi, ajane musyobo oyo wa nyota ya Leza, uyo jana cintucimwi. Mwabona?

⁵⁸ Pele cindi twa boola kuli ncico, kubaanga nkunyongana buyo, “Ee, Njo fugama a kubona eco Mwami nca cita.” Mwabona, tona kufwa nyota ncobeni. Yeelede kuba nyota akati ka lufu a Buumi, elyo mpawo cintucimwi cila citika.

⁵⁹ I doe, awalo ngooyu... Tu jana kuti yaka jisi gano limbi, zya kununkizya, elyoo lipa kucenjezya muli nguwe cindi sinkondonyina nali munsi. Uli njidwe, eci cilenge ciniini, a—a gano kulikwabilila mwini. Elyo uli—uli jisi kulibilika kuniini muli nguwe, cintucimwi ciniini, cakuti ulalosya mpemo yakwe cindi sinkondo nali munsi. Inga wanjila mu guwo lya sinkondo, alimwi ulizi kuti nkoli, nkabela uli nyonyookede. Ziindizimwi cisela ca maile kutantamuka, ula konzya kukununkizya a kuzwa, na umpe na ntenda imwi. Iila konzya kwii ziba nkaambo ya kabambwa munzila eyo. Walo munyama deo, ku bulenge. Elyo gano eelyo muli nguwe ndimwi buyo Leza ndya kamupa, magano kuli nguwe, kuponena kuli ndilyo.

⁶⁰ Elyo Nda kayeeya, kweezyanisa munyama deo a muntu uufwa nyota ya Leza, sinkondo katana sika okuya. Kuli cintucimwi kujatikizya mwana wa Leza, kuti cindi wazyalwa lomwe mu Muuya wa Leza, kutambula lubbizyo lwa Muuya Uusalala, kuli cintucimwi kujatikizya muntu oyo uukonzya kutweluka sinkondo. Inga wabweza muntu cindi na bweza Lugwalo, a kubala Lugwalo a kusola kunjizya cintucimwi ku Lugwalo olo, eco ciimpene ku Lugwalo, muntu uuzwide

Muuya Uusalala inga wa gano lya ceeco, cakufwambaana ncobeni. [Mukwesu Branham wanontola munwe wakwe—Mul.] Kuli cintucimwi kuzwa mu nzila. Cindi anjila mu busena, alimwi—alimwi gano limwi liniini omuya, lya kacita kukwabilila buumi bwako. Yebo, to elede, to elede kuunka ku cintu cili coonse citakuti ndi Ijwi lya Leza ncobeni. We elede kukkanala ncobeni mbubonya a Ijwi eelyo. Elyo, lino, alimwi tuli kwabilidwe ku gano eelyo kufumbwa kuti katuli mu Muuya Uusalala.

⁶¹ Inga waunka kubala, a mbuli kupa mukozyanyo, muntuumwi wati, elyo Nda talika kubala muli Marko 16, a kwaamba, “Elyo zitondezyo ezi ziyo batobelabo basyoma: Mu zina lyangu bayo tanda badyabulosi; bayo amba mu myaambo mipya; na kujata nzoka, na kunywa zintu zikola, inga ta cikoyo bakola pe; Ikuti na babikka maanza abo aa balwazi, bayo pona.”

⁶² Lino, mpawo, uyo jana muntu katanta alya akuti, “Lino, eco cakali ca bukkalo bwa buapostolo.” Kuti, lino, cakufwambaana ncobeni, ikuti na wakatambula Muuya Uusalala, waka zuzigwa a gano eelyo. Cila cisisa. Kuli cintucimwi cilubide awo. Mwabona? Ba sola ku cipandulula, kuti nca buzuba bumbi, kuti ncobeni tamu yandikan zintu ezyo sunu. Pele Jesu wakati, “Ezi zitondezyo ziyo batobelabo basyoma.” Mwabona, kuli cintucimwi ciniini cisitikidwe muli nduwe, kalangu kaniini, mu kuziba kuti eco cili lubide alimwi eyo nje nzila ya lufu.

⁶³ Nkaambo, Jesu wakati, “Ikuti na twa yungizya ijwi lyomwe kuli Eli, na kugwisya Ijwi lyomwe kuzwa kuli Ndilyo, cibeela cesu cagusigwa mu Bbuku lya Buumi.” Mwabona, kutali Lugwalo lomwe. Twe elede ku Lu bweza buyo nzila mbo Lu lembedwe. Elyo Leza ula mamela Ijwi Lyakwe, ku Li cita, alimwi tu lizi kuti Lye elede kululama.

⁶⁴ Aboobo nkikaako, takukwe makani eco mbungano ncoinga yaamba, eco umwi umbi ncanga waamba, ikuti na wazyalwa ku Muuya wa Leza, waba cibeela ca Bbaibbele. Leza wakaambilala Ezekieli, walo, musinsimi. Wa kati, “Bweza ibbuku livungwa a kulilya,” mpawo musinsimi a ibbuku livungwa lyakaba cibeela acimwi. Elyo oyo musyomi cindi atambula Muuya Uusalala; i Muuya Uusalala wakalemba Bbaibbele, alimwi Muuya wa Leza ndi Ijwi lya Leza. “Majwi Angu Muuya. Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mibili wabantu a kukkanala akati kesu.” Bahebrayo 13:8, “Ngu mbobuca nguwenya, sunu, amuya myaaka.” Elyo cindi wanooli cibeela ca Ijwi eelyo, oh, mpawo lekela cintucimwi ciyutuka kwiimpana ku Ijwi eelyo, kuli kalangu kaniini katalika cakufwambaana ncobeni. [Mukwesu Branham wanontola munwe wakwe lomwe—Mul.] Mwabona, Nca ku mucenjezya kuti lufu luli mu mugwagwa. Ta tweede kucita ceeco. Kuli akwalo . . .

⁶⁵ Aya nyota nga kunyama buyo. Nga kunyama ku Munakristo. Nga kunyama ku muntunsi.

⁶⁶ Kuli nyota akwalo ya kuzwidilila. Bantu banji loko sunu, obo mbo tu cikolo ca nyota eyi! Twa kabona buyo, ba katalika universiti. Elyo twa selemukila okuya, a bantu babelesya madollar ali zyuulu ku kutuma bana babo ku cikolo, a—a ku universiti a makkolegi, azimwi zimbi, kujana lwiiyo, “Ku zwidilila,” mbo ba ciita, “mu buumi.” Pele lino Nse jisi cintu kulwana ceeco, lino, eco cili kabotu. Pele, kuli ndime, inga wa jana kwiya koonse mu inyika, elyo nekubaboobo tona jana kuzwidilila kululeme. Mbo mbubo. Nkaambo, eco ciyo bamba zintu kwakaindikaniini kuuba kuli nduwe aniini, Elyo kuli... Pele cindi wafwa, kosiya zyoonse ezyo kunze lyako, alimwi obu buvubi boonse mbo tu jisi.

⁶⁷ Nda kali ku caamba buzuba bumwi, ku Phoenix. Cila ima kubalulula alubo, kuti, “Lusumpuko oluloonse lwasunu, mabambe oonse alwiyo, bubambe boonse bwasayaansi, buliimpene ku Ijwi lya Leza a luyando Lwakwe.” Lusumpuko nincobeni luli... Takukabi lusumpuko mu inyika olo tweedele kuboola, mbuli olu lumwi. Olu lusumpuko lwakasandulwa. Leza waka jisi lusumpuko Lwakwe lutaanzi aa nyika, cindi Na kaamba Majwi Akwe nkabela akayutuka, aimwi mbuto ya musyobo wayo, elyo mu lusumpuko olo kwakanyina lufu, malwazi, buusu. Elyo lino tu bweza zintu ezyo zili mu inyika yasayaansi, zya kabikkwa awa ku zijatilila antoomwe, a kucisandula kuba cintucimwi, nkabela eco cileta lufu.

⁶⁸ Mboli bbomba lya atomiki. Ta ndizi fomyula ya zintu ezi, pele inga Nda amba eci buteelede. Ba bweza uraniamu, ku kupandula ii—ii molekyu, a molekyu kapasaula mu maatomu. Ino cicita nzi mpawo? Ca nyonyoona buyo cakumaninina, kutandila, kunyonyoona buyo. Zintuzyonse nzo tucita!

⁶⁹ Tula bweza musamu, kubikka fomyula *eyi* a fomyula *eyi*, kusilika *ceeci*, a kwiibikka muli ndiswe. Elyo ncinzi nco tucita? Tula zapaula cintucimwi cimbi.

⁷⁰ Lino Ndi yeeyela kuti mwakabala, kubala *Reader's Digest* ya mweezi wainda, kuti lya kaamba kuti, “Mu bukkalo obu mbo tuponamo lino, kuti, baalumi a banakazi bakubusyi inga balasika akatikati ka myaka ili makumi obilo ayosanwe yakukomena.” Amu ciyeeye eco. Basimbi baniini mu kuleka kuya kumweezi, a makumi obilo, a makumi obilo ayobilo ayotatwe yakukomena, kukomena kwaakatikatikati. Nywebo mwabona, eco caka cicita, cakali cakulya eci cakatintanisiga a zintu nzo tuli mukulya. Mwabona, ngu zintu, cakulya alimwi i—i buumi obo mbo tupona. Basayansi ba cileta kuli ndiswe, alimwi, mu kucita boobo, bali mukumujaya.

⁷¹ Nda kali mu Africa oko Nkwe kali kubona balombe abo bata kajisi musela wa musamu mu buumi bwabo. Ba kalya nyama

eyo yaka jisi mvunyu muli njiyo. Ba kanywa kuzwa mu ciziba eco cakali kuboneka mbuli kuti inga cajaya musune. Elyo Nda kali kudubula cisaalwa ku mayaadi ali myaanda yobilo, alimwi Nse kakaonzya kucibona kubelesya bbainokkilasi ya seventififite. Alimwi mwaalumi wa musela wangu wakaliimvwi alya, kandaambila awo mpo cakaumwa, a meso akwe cakumanininina. Lino, ikuti na eci cilengwa consee cabusyaasunu cakacita cintucimwi... Nda limvwa ikuti na Nda jisi meso akwe a mwida lyakwe, inga Nda ba mwaalumi muboto loko. Inzya.

⁷² Pele nceeco we, nywebo mwabona, obo sayaansi, lwiiyo, lusumpuko, tula nyonyoonwa kuli ndulo. Tula linyonyoona tobeni. Ya katalikila mu muunda wa Edeni, a kuzumanana nkambo ka sunu. Pele, nyota ya kuzwidilila!

Mpawo, tu sukamina luswaanano. Tula unka, tu yanda luswaanano.

⁷³ Cili mbuli mwaalumi mukubusyi a mwanakazi mukubusyi. Lino, ta ciyandiki na pe (Nda amba) cita langilwi ku mwaalumi mukubusyi a mwanakazi mukubusyi ku-ku yandana. Yalo ni nyota ya luyandisyo. Mbukkalo bwabo, alimwi bala—bala yandana. Elyo tacili ceelede, eco ncintu buyo cakunyama kuli mbabo kucita ceeco.

⁷⁴ Lino tu jana zintu zinji, mu buumi obo mbo tupona mu mibili wakunyama, oyo ngo tu sukamina. Ngu cintu cimwi buyo cibambilwe muli ndiswe. Tu yanda kucicita, tu limvwa ncobeni kuti cileelede. Elyo ciyandika kuti tula cicita.

⁷⁵ Tu jana banakazi banji, mu mazuba aya, nyota ya babotu. Lino takukwe mwanakazi... Ncintu cakunyama ku mwanakazi kufwa nyota yakuba muboto. Obo—obo bupange bwakwe bwabulenge bwakapegwa aa Leza a—a bweebesi bwakwe obo Leza mbwa kamupeda sinkwela nyina. Elyo lino tu jana kuti banakazi bayanda kuba boobo. Nkaambonzi cili obo? Nku kaambo buyo kakuti ncintucimwi Leza nca kamupa. Elyo ta ciluzi ku banakazi kuba babotu. Ba leeledede kuba.

⁷⁶ Elyo, nywebo mulizi, balo ncilenge cilikke eco—eco muzyazi ncali kabotu kwiinda mweenze, cili mu mukowa wa bantunsi. Munyama aumwi umbi, kabweza i—i ng'ombe ku mucende, doe ku doe, nkukunseke ku mukombwe, i tuyuni mutumbu ku tuyuni taata, lyoonse ula jana mweenze mupati a muboto. Pele ku mukowa wa bantunsi, katondezya kuti mpaawo lupilingano mpolwa kaboola, lula zunguluka; alimwi balo mbanakazi balo—balobabotu maningi, alimwi basukamina kuba babotu.

⁷⁷ Kutali mbuli zimwi ezi zilenge zya bubi nzo tubona mu kagwagwa ka buzuba obuno; peepe, peepe, kutali musyobo oyo muboto. Peepe. Oko nkuboneka kuyoosya kuyoosya Nkwe kasola kubona mu buumi bwangu. Iiyi, munene. Olo ndusandulo lupilingano lupilingano nyota ini.

⁷⁸ Lino, nyota ya kasimpe eyo mwanakazi njaelede kuba awo, inga kwaba ku “kulisa katizya beni mu zikobela zya bulemu, akuba a muuya uli mbuli Kristo,” Timoteo Mutaanzi 2:9. Lino eyo nje nzila mwanakazi mbwaelede nyota. Lino ikuti na uyanda kuba mubotu, eyo nje nzila yakulibamba kuba mubotu, wabona, ngu muuya uli mbuli Kristo, a usakatidwe mu zikobela zya bulemu.

⁷⁹ Oh, ma, bamwi bantu aba sunu kumasena mu tugwagwa! To konzyi kwaambila mwaalumi kuzwa ku mwanakazi, alimwi calo ii—calo ncintu ciboneka bubyaabi loko cakuti inga wa... Inga nsecita, cili—cili... Nse—Nse na bwene cintu cili coonse mbuli ncico, mbuli bantunsi. Cila indilila ku muntunsi. Meso kapentedwe atala mbuli *obo*, alimwi, nywebo mulizi, alo meso a dyolo aboneka kugambya, a zisani zyonse kaziboneka kugambya. Elyo, baa, ta cili akwalo...Boonse bali muciimo, taba boneki akwalo mbuli muntunsi. Elyo bamwi balombe awa, a masusu abo kaabambidwe kabotu, abucizi babo, babumbulusi kumbele *awa*, nywebo mulizi, baa, nkusandulwa kumaninide! Mbo mbubo. Ngu—ngu—ngu Saatani, alimwi Saatani ngu sikusandula.

⁸⁰ Cindi Leza nakabamba zintuzyonse mu muunda wa Edeni, cakali cibotu, mpawo Saatani wakanjila a kupilingana. Saatani takonzyi kulenga cintu. Kuli Mulengi omwe luzutu, oyo ngu Leza. Pele Saatani ula pilinganya bulenge butaanzi. Elyo lino wa kanjila (oyu Ngwe yanda kukanana sunumasiku kujatikizya) kusandula i—i bulenge butaanzi bwa nyota.

⁸¹ Lino, mwanakazi, mbuli Mbwe kaamba kale, uyanda kuba mubotu. Kuli cintucimwi muli nguwe, eco nca bwanakazi alimwi uyanda kuba munzila eyo.

⁸² Pele nzila mbo babede mu kagwagwa sunu, masusu ageledwe mbuli mwaalumi, kusama zisani zya baalumi; elyo mpawo baalumi balanyona, kabasama zisani zya banakazi, a kugelwa mbuli mwanakazi. Mwabona, ndusandulo, cintu coonse! Cakulya cako cakasandulwa. Buumi bwako bwasandulwa. Nyota yako, kupilingana. Kuyandisya kwako kwasandulwa. Mbuzuba bwa kupilingana!

⁸³ Nda kali kukanana awa, kutali ciindi cilamfu cainda, mu *Edeni ya Saatani*. Leza wakatola myaka ili zyuulu zili cisambomwe, akupanga Edeni ilondokede. Saatani waka boola akufwafwaza mbuto aku zilemanya. Lino uli jisi myaka ili zyuulu zili cisambomwe, alimwi uli jisi Edeni yakwe mwini ya sayaansi, kujokela ncobeni alubo aa lupilingano lwa kululyo.

⁸⁴ Elyo obu mbukkalo bwa kutintanya, kutintanya. Ba jisi akwalo i—i mambungano sunu, mane aka tintanisigwa. Mbo mbubo. Bala njila omuno, bala unka buyo ku mbungano, ncisangabalilo mucibaka ca mbungano. Ii mbungano mbusena oko bantu nkoba boola antoomwe a kukomba Leza mu Muuya

a mu Bwini. Elyo sunu ncisangabalilo. Tula unka okuya a kuba aciindi ciniini ca kusukana maanza, a luswaanano, a kkofi usiya kusule lya buyake, a kuya ku muunzi mane mvwiki itobela, nkabela twa kacita bulizi bwesu bwa bukombi.

⁸⁵ Lino mbukkalo bupilingene. Alimwi Saatani uya bupilinganya ezi nyota Leza nzya kabikka muli ndiywe, zyakufa nyota. Saatani ulimu kubasandula. Lino ikuti na tuyanda kuziba ciluleme, lupilingano...

⁸⁶ Ikuti nywebo, no banakazi, tuyanda kweebeka, amubweze Timoteo Mutaanzi 2:9, oko nku “kulisa katizya beni cabulemu mu zikobela—zikobela, a muuya uli mbuli Kristo, mubombe, weendelezegwa ku balumi babo,” abumwi bumbi. Eyo nje nzila mbo mweelede ku sakatizingwa, buumi bwanu mbo mupona.

⁸⁷ Ula pilinganya bupange bwini bwa Leza, a nyota ini ya Leza, ya mibili a buntu, kwiinda ku cisusi ca cibi. Cibi, lupilingano! Lino tu jana kuti, muntu sunu, nzila mbo bakabweza lupilingano olo; nyota ya Leza, nyota nkambo kakuba mubotu, a nyota ezi zyoonse. Ku, ku maanzi, bakasandula eco mu kukkutya eco kubelesya cakunywa. I nyota ya lutangalo, bantubonse bayanda kuba a lutangalo; nyota ya luswaanano; zyonse ezi nyota zipati Leza nzyakabikka muli ndiswe, kutegwa twakonzya Ku musukamina. Leza waka kubamba kufwa nyota Walo, elyo tu sola ku cikkutya a musyobo umwi umbi wa nyota, a musyobo umwi umbi wa kupilingana kwa nyota iluleme. Sa mulabona mbocibede kunyama? Sa muli cibona mbocibede kumuuya? Tula yeeya, kufumbwa kuti twa sangana mbungano, eco—eco cilamana, nkukoонse nko tweelede kucita. Ee, eco cili lubide cakumaninina. Peepe.

⁸⁸ Leza uyanda kuti ufwu nyota nkambo ka Nguwe! “Mbuli insya mbwi fwekembela maanzi aku kalonga, buntu bwangu busukamina Nduwe, O Leza.” Mwabona? Mwabona?

⁸⁹ Lino, ikuti oyo munyama deo wakali kufwekembela maanzi mu kalonga, ino kuti muntuumwi waboola ambali, alimwi diiya umbi wamunsi inga waboola ambali, a kwaamba, “Kwaamba, Njo kwaambila eco Nce—Nce konzya kucita. Ndi lizi awo ali cidindi ca ntimba kunselelo awa.” Ee, doe inga tayanda ceeco. Walo, eco inga tii camugwasya.

⁹⁰ Elyo taakwe cintu cikonzya kukkutya nyota eyo ili mu muntunsi, kusikila Leza aka njile. We elede kuba a Nguwo, na kufwa. Elyo taakwe bantu bali jisi nguzu zya kusola kutontozya na kukkutya nyota eyo isalala, ili muli nguwe, ku zintu zya inyika. Peepe, munene. Tacili cabunaleza kucita boobo. Elyo ikuti na usukamina Leza, utasukane maanza a mukambausi a kubikka zina lyako mu bbuku. Ikuti na ufwanyota ya Leza, kuli cintu comwe biyo caku cikkutya, nkuti, swaana Leza. Ikuti na ufwu nyota ya Leza, eyo nje nzila ilikke njo konzya ku Mu swaana, nku cita ceeco.

⁹¹ Elyo mpawo kuli ntenda mpati, akwalo, ikuti na tolangi eco ncoli mukucita mu ciindi eco. Ikuti na ufwanyota ya Leza, koba masimpe kuti ngu Leza ngo jana. Mwabona, koba masimpe kuti ni nyota yako ilakkutila. Pele ikuti na Saatani wali kukonzya ku kusandulasandula, kuzwa ku kulyaaba kwakunyama, nkabela uyo cita ikuti na wakonzya, uyo—uyo kubamba buyo kusola kukkutila.

⁹² Ii muntu wazwa, ncinzi cibamba muntu kukolwa? Nkaambo kakuti uli pengede a kunyongana. Kuli cintucimwi cibulide muli nguwe.

⁹³ Nda kali kuli ba Mayo', okuno kutali ciindi cilamfu cainda, elyo Nda kali kutala okuya ku kubuzyanya buzyanya. Elyo mpawo kwa kaambwa muli ceeci, kuti, kwaambaula kujatikizya kunywa, elyo Nda kabaambilka kuti bataata bakanywa.

Kati, "Ncinzi caka mubamba kunywa?"

Nda kaamba, "Ta ndizi pe."

⁹⁴ Wa kati, "Nkaambo kakuti kwakali cintucimwi eco (walo) tii cakali kumukkutya, elyo wa kayeeya kuti wakali kukonzya kunywa kucisowa mu mizeeo yakwe."

⁹⁵ Nda kacijata mpoonya awo, mwabona. Wa kali Leza wini, wakali cintu cilikke cikonzya kukkutya nyota eyo. Leza Mwini nce cintu cilikke cikonzya kukkutya nyota eyo ya muntunsi, nkuzumina Leza.

⁹⁶ Lino Saatani ula bweza zintu ezi, mbuli mbo Nda amba, a kuzipilinganya. Mpawo ikuti na uli—ikuti uli... Ikuti na to kapi nyota eyo busena bweelede mu buumi bwako, nkabela takafwi nyota a kubweza zintu ezyo Leza nzyakapa kwiinika nyota eyo, ku kwitontozya, mpawo Saatani uyo kusololela ku zitanda zyakwe ziteendi zinunka zya nyika eyi. We elede kuti uli cijisi abusena bumwi. Ikuti na to konzyi kujana cakulya, inga walya kuzwa ku cingungulu. Mwabona? Elyo ikuti na to—ikuti na to konzyi kujana maanzi, nkabela wali kufwa, inga wanywa kuzwa ku ii—ii ciziba ca musyobo uli oonse, nkaambo uli mukunyonyooka.

⁹⁷ Pele kwiina kaambo kuli ceeco, cindi wafwa nyota kuli Leza, nkaambo Leza ngu Leza muumi, kutali cintucimwi ca makani aakale. "Buntu bwangu busukamina Nduwe, Leza muumi," Cintucimwi eco cipa meenda apona, Cintucimwi eco cikkutya.

⁹⁸ Kuli bulenge bumbi, bwakunyama, nyota buyo ya kunyama, mu nyota eyo ya buntu. Inga watyi, "Mukwesu Branham, sa oyo moyo ufwa nyota, sa obo mbulenge?" Iiyi, obo mbulenge ku buntu kufwa nyota. Elyo cili, nkambo Leza waka kubamba nzila eyi, kuti kutegwa ufwa nyota kuli Nguwe. Walo uyanda kuti ufwe nyota mbuli Nguwe. Lino, Leza waka kubamba mbuli boobo. Ta keelede ku kubamba mbuli boobo, pele Wa kacicita. Elyo ikuti na Ta kakubamba mbuli boobo, kutegwa ufwa nyota, inga kuyooba

ntamizyo ku Mungwala wa Lubeta, kwaamba, "Nse—Nse—Nse kafwa nyota ya Leza." Pele, kwiina ntamizyo, mula cita. Uyo cipanga kumwi; inga wa cibamba mukaintu wako, inga wa cibamba mootokala wako, inga wa cibamba cintucimwi cimbi, inga waunka ku mbungano a kusola kwiikkutya. Elyo Nse jisi cintu caku lwana kuya ku cikombelo, pele oko takuli kukkutila. Ngwa kujana Leza, Leza muumi, Leza wa Julu, mu buntu bwako, eco cikkutya kuyandisya a nyota eyo njo sukamina.

⁹⁹ Lino, nkambo, Wa kakumba kutegwa ukonzye nyota kuli Nguwe, nkambo ka luswaanano Lwakwe. Lino, kuli nyota ini ya luswaanano. Lino tu yanda kuswaanana umwi aumwi. Tu cita ceeco sunumasiku. Tula swaangana okuno antoomwe sunumasiku nkaambo tu yanda luswaanano, umwi kuli umbi. Nkaambonzi nco tucita eco? Nkaambo kuli cintucimwi muli ndiswe eco nco tu yanda kuswaanana umwi aumwi. Eco ncakunyama buyo. Elyo lino tu kaswaangane aa busena bweelene awa, mbwa bede, nkaambo toonse tufwa nyota ya Leza. Mwabona? Elyo mpawo tu kaswaangane awa aa mbaakan ezi zalyonse, okuno zya luswaanano. Mu mbungano sunumasiku, okuno, inga kwaba kulanganya kunji kwatubungwe kwandeene, azimwi zimbi; pele cindi caboola ku nyota eyo, inga twa swaangana aa bulongo buzizilwe, busena bomwe: toonse tulafwa nyota. Bamwi inga basyoma mu kusansaila, umwi umbi mu lubbizyo, a umwi mu kutila, na bumwi bumbi; pele cindi caboola ku nyota ya Leza, twa—twa boola aa busena bomwe buzuminenwe. Elyo Leza waka tubambil boobo kuti tuyu cita ceeco, nyota Yakwe a ku luswaanano Lwakwe. Ta ndizi cintu cili coonse . . .

¹⁰⁰ Cindi Ne kali mulombe muniini, Nda yeeya kuti Nda kakomezegwa mu mukwasyi wini utakweankwaya. Elyo Nda yeeya ziindi zinji inga Nda unka kubusena a balombwana. Nse kakonzya kusama mbuli kuunka ku busena bulilemeka kabotu. Pele, Ta—Ta ndizi, kuli cintucimwi kujatikizya bantu, eco Nce kali kuyandisya. Nda kali kuyandisya kuba ambabo. Pele Nda kali, kutandila, eco citegwa, mbelele iisiya. Elyo cindi Ne kafutulwa a kujana Cintucimwi muli ndime, eco Nce kafwa nyota, ii—ii Mweenzuma, Muntuumwi unga waba mulongwe wamunsi kuli ndime, Muntuumwi Ngwe konzya kusyoma, Muntuumwi ngo konzya kukkala a kwaambaula mapenzi ako kaamana. Elyo cindi . . . Nda kajana oko kukkutila kwini cindi Ne kajana Jesu Kristo, oyo Sikukkutya wini ncobeni uugusya zyoonse—zyoonse . . . kuzimya nyota ezyo zyoonse, a kukupa Cintucimwi eco—eco ciboneka buyo mbuli kuti taakwe cintu buyo citola busena Bwakwe.

¹⁰¹ Elyo lino obo Saatani mbwasola kusandusandula oku kukkutya kwa buntu, obo busukamina buntu! Ula sola kumupa zintu zyoonse kuti aci kkutye. Elyo uli mu lweeno maningi mu mazuba aya aa lupilingano. Eyi ni inyika ya kasandulwa. Walo

mukowa wakasandulwa. Balo mbantu bapilingene. Zintuzyonse zili pilingene, alimwi kwapilingana bucebuce loko kusikila bwaba bukkalo bwa lweeno maningi obo mbo tujisi... muntunsi uuli oonse wakasola kupona mo. Nca lweeno maningi kwiinda mbo cakabede lyoonse.

¹⁰² Lino nywebo buyo—nywebo tamu konzyi buyo kweezezya obo cisi mbo caba ca lweeno, akwalo a beni bakwesu, mbuli bantu bana America.

¹⁰³ Nda kali kukanana ciindi cimwi cainda. Nda kali mu zisaka mvwiki zisyoonto zyainda nkabela kajana i—i—i cipakete ca tombwe kacibikkidwe mu zisaka. Elyo ca kaamba awo, “I kasebyo ka muntu musongo.” Elyo Nda kazumanana kuselemuka kwiinda mu zisaka nzila ziniini, nkabela Nda kajoka; kazumanana kubikka mu mizeezo yangu, “I kasebyo ka muntu musongo, a kuyandisyua kwa muntu uufweba.”

¹⁰⁴ Ee, Nda kali ku Meebeebe aa Nyika yoonse, myaka misyoonto yainda, amuyeeye cindi noba kajisi Yul Brynner a boonse kuya kokuya, cindi nibakali kutondezya zya misanga yatombwe. Elyo obo mbo bakabweza busi obo a kububikka atala lya kaboola ka bbwé, a kubweza Q-tipu a kuvumba nikotini eyo kuzwa awo, a kwiibikka kusule lya mbeba. Mu mazuba ali ciloba, wa kajisi kkulenge maningi ndya takali kukonzya kutanta ku matende akwe. Mwabona, kuzwa ku musanga wa tombwe omwe! Elyo mpawo ba katondezya obo kuti cindi eco caunka mu punga lya muntunsi. Bamwi babo balati, “Nse fwebi mukati. Ndi pafula buyo mu mulomo wangu.” Cila tondezya kuti bunjila mu mate akuselemuka mbubonya, mu kameneno, wabona.

¹⁰⁵ Elyo mpawo mwaalumi oyu wakati, “Yebo wabona kwaambaula kunji kujatikizya kasebyo.” Wa kati, “Lino, ikuti na ujisi kuyandisyua,” kuli nyota, yebo wabona, “ii kuyandisyua kufweba musanga watombwe, musanga wa tombwe omwe inga wakkutya kuyandisyua oko kwa ciindi mukuba. Pele ikuti na ujisi kasebyo, ka bweza misanga ya tombwe yone yakukkutya,” kati, “nkaambo ujana biyo omwe wane wa busi.”

¹⁰⁶ Elyo kati, “I kubotelwa kwa muntu uufweba”? Mwabona, to konzyi kuba a busi citakuti waba itwe. Elyo cindi wano jisi taala, ujisi kkulenge. Aboobo mpawo we, mwabona, kalo—kalo nkooze buyo. Elyo Ndi yeeya kuti ii—ii kkampani ya tombwe ili mu cisi eci, alimwi—alimwi iponena ku cisi eci, elyo mpawo a kooze mbuli boobo, ku kucenga basicisi bana America cakumaninina, ku bacenga. I kasebyo ka muntu musongo? Kalo nkooze buyo ka kusambala misanga yatombwe minji.

¹⁰⁷ Mpawo Nda kayeeya cintu eco, “I Kasebyo ka muntu musongo,” Nda kayeeya, “oyo muzeezo mubotu.” Aboobo kuli Kasebyo ka muntu musongo, eelyo ndi Bbaibbele eli. I—i kasebyo

ka muntu musongo ako kayo bweza Kasebyo aaka, Kayo leta kubotelwa kwa muntu uululeme. Mwabona?

¹⁰⁸ Lino, to konzyi kukwela cibi kwiinda mu mapeegi aa Bbaibbele eli. Peepe, Lila cilesya. Lila ciseba kuzwa. Lino, inga waunka ku mbungano, a kubweza buyo kufumbwa cintu, pele tokonzyi kuboola kwiinda mu Bbaibbele eli a kuba a cibi. Ta cika cici. Cila seba kugwisya cibi coonse, alimwi Cipa kubotelwa kwa muntu uusalala. Nkaambo ikuti na muntu ueyeya kuti uyanda kusalala, a kuba mbuli Leza, a kuba mwana mulombe na mwanamusimbi wa Leza, mpawo uyanda musyobo uululeme wa Kasebyo. Aboobo Wa kasya cibi coonse ku lubazu olu Bbaibbele, alimwi Walo ukonzya buyo kuleta Muuya Uusalala kwiinda mu Bbaibbele, oyo wakalemba Bbaibbele. Ngu kubotelwa kwa muntu uusalala, kuba a Kasebyo ka muntu oyu musongo.

¹⁰⁹ Lino tu jana obo mbo ceena sunu. Matayo 24:24, Jesu wakati, “Ku mazuba akumamanino, kuti, myuuya yobilo iyo kozyanya loko kusikila bayo cenga mbabonya Basalidwe ikuti nikwaliukonzeke.” Obo munsi! Obo, ino nducengo lwa—lwa ciluleme a cilubide, ndo tujisi sunu!

¹¹⁰ Akwalo mu—mu mfulumende yesu, mu tunzenyu twesu, ta—ta tujisi akwalo muntu oyo ngo tukonzya kubikka mbuli situnzenyu, eco ciyo iminina ncobeni kuli ceeco nca yeeya kuti cili luleme. Uli kuli wa Patrick Henry a George Washington wesu, a ba Abraham Lincoln sunu? Mbuli buyo Muleli wesu wa kaamba kuya, “I nzila, ikuti na bayanda kkomunizimu, inga bali ijisi, kufumbwa cintu bantu nco bayanda.” Ikuti na oyo tali i—i muntu uta kaambi kulamwa kwakwe! Ii muntu uyo ima aa mulao, oyo uya kwiima ali ceeco mulazyo... yanda kuunka buyo mu i—i—i nzila itakazigwi maningi.

¹¹¹ Elyo nje nzila bantu mbo bajisi, mu mbungano. Ba yanda kuboola kusangana mbungano, elyo ba lati, “Oh, ee, nce—nce ncico, Nda—Nda sangana mbungano lino.” Yebo usola kukutya nyota eyo mpati iisalala eyo Leza nja kabikka muli nduwe, eyo Ngazi iisola ku kutola ku cintu ciluleme, elyo usola ku cikkutya kubelesya kusangana mbungano, kabalulula kayanza kabuzumini, na cintucimwi mbuli ceeco. Kakuli, tacili cintu pele Busyu mbubonya a kusinkwa kwa Leza Mwini mu buumi bwako, obo buyo kkutya ceeco.

¹¹² Ta kakkutila a kansiyansiya. Tamu kasoli kansiyansiya kwiinda mu Bbaibbele eelyo. Peepe. Takukwe akwalo Buzumini bwabukombi bwa Baapostolo, butegwa, tabu kaindi Omuya. Nditondezye mu Bbaibbele awo Buzumini bwabukombi bwa Baapostolo mpoli bwaamba, “Nda syoma mu mbungano ya Katolika ya Roma Iisalala; Nda syoma mu mulalilo wa basalali”; cindi Bbaibbele nilya kat, “Kuli sikwiiminina omwe akati ka Leza a muntu, nkabela oyo Muntu Kristo Jesu.” Tamu kasoli eco kwiinda mu Bbaibbele.

¹¹³ To ka kweli zizyano ezi zyoonse, a tubbudula, a zintu ezyo bantu nzo bacita sunu, aba bali babubili a batlau, a zintu ezi zyoonse, kwiinda mu Ijwi lya Leza. Tamu kasoli kweenzya bweende obu bwasunu ibwa lusumpuko kwiinda mu Bbaibbele eelyo. Bula ilwana. Mwabona? Elyo usola kukkutya nyota eyo, pele, yebo wabona, iyo... Eli Bbaibbele liyo kkutya biyo kubotelwa kwa mwaalumi na mwanakazi mululami. Oyu Muuya Uusalala, oyo ngo bakali kunga baseka, a kwaamba, "Yebo wazwa mu muzeezo wako." Pele Eco cikkutya kusukamina, kuti cintucimwi eco inyika ncoi tazi cintu kujatikizya. Ba kali pilinganya beni, kuzwa ku lubbizyo lwini lwa Muuya Uusalala a Ijwi lya Leza, (ku nzi?) ku zimbotela, zimbotela zya mbungano, zya tuyanza twabuzumini a buzumini bwabukombi, a—a kwiimpana kwatubungwe, azimwi zimbi.

Kwaamba, "Uli Munakristo?"

¹¹⁴ "Ndili muna Methodisti. Ndili muna Baptisti. Ndili muna Presbyteria." Eco ta caambi cintu comwe kuli Leza, taakwe cintu comwe. To konzyi kukwela zintu ezyo kwiinda mu Bbaibbele lya Leza awa. Elyo usola kukkutya nyota eyo iisalala eyo Leza nja kakupa, kukunyotokela Nguwe. Sa mbombubo?

¹¹⁵ Lino, nywebo mulizi kuti Davida wakati awa, "nkambo Leza muumi." Lino, "Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mubili wabantu a kukkanla akati kesu." Mpawo taku konzyi kuba kukkutila kusikila Ijwi eli, lili ngu Leza, waba muumi muli nduwe, mpawo mula bona Leza Mwini kazulizya zisyomezyo ezyo Nzya kabamba mu Bbaibbele.

¹¹⁶ Lino tuli jisi batoloki baindene bamu Bbaibbele. Mbungano imwi ila Li pandulula mu nzila *eyi*, imwi iimbi ila Li pandulula mu nzila *eyo*, alimwi imwi iimbi nzila *eyi*. Bamwi taba bwezi pele kusyoonto kwa Ndilyo; bamwi bala bweza *awa* a *kokuya*, kabeela ka Ndilyo. Pele Leza ngu Sikupandulula Lwakwe Mwini. Cindi Na panga cisyomezyo a kucizulizya, obo mbo bupanduluzi bwa ncico.

¹¹⁷ Ikuti na Nda kamusyomezya kuti Ndi nooli okuno sunumasiku, elyo mpaawa Mpeli, oko nkuzulizya kwa cisyomezyo cangu. Ikuti na Nda amba kuti Ndiyo muswaana cifumo, nkabela Ndili kokuya, eco ncisyomezyo cangu. Taku yandiki kubamba intamizyo imbi ili yonse, Nde elede kuba kokuya.

¹¹⁸ Elyo cindi Leza apanga cisyomezyo, elyo mpawo kuzunguluka a kuzulizya cisyomezyo eco, obo mbo bupanduluzi bwa cisyomezyo. Elyo inga Nda bamba muntu uuli oonse kubweza Leza ku Ijwi Lyakwe, a kubona ikuti na Ijwi lyoonse mu Bbaibbele eelyo tabuli Bwini. Mbo mbubo. Obo mboibede nyota omuya.

¹¹⁹ Yebo wati, “Ikuti ni Nda kapona mu mazuba akwa Jesu, ni Nda kacita *boobu-a-boobu*.”

¹²⁰ Baa, mupona mu mazuba Akwe. Ino tu citanzi kujatikizya ncico? Ino tu cita nzi? Yebo wati, “Ee?” Eco nco kacita, antela eco ba Farisi ncoba kacita. Ba kali kuzulilwa ku mbungano, a kukaka Jesu Kristo.

¹²¹ Lyoonse tula amba sunu, bantu basola kwaamba kuti, “Tu leezyanisa. Twe elede kweezyanisa itu lya Bbaibbele kubelesya itu lya Bbaibbele, Lugwalo a Lugwalo.” Obo tabuli Bwini. Peepe, tabuli Bwini. “Eli bbala lyaci Griki lyaamba *eci*, alimwi *eci* caamba *ceeco*.” I ba Griki lwabo, kaindi loko mu Nicaea Council, a balo balembi kaindi kuya, ba kajisi ziimo zyandeene. Umwi waka syoma nzila eyi, *oyu* sicikolo mupati wa Cigriki wakali kwaamba *eci*, alimwi umwi umbi wakati *oyu* umwi wakali kucaamba munzila *eyi*. Elyo baka Li fubaazya. Ta tuyandikani bupanduluzi bwa basicikolo bapati bana Griki na mabala aa Cigriki.

¹²² “Ku Mu ziba Mbuumi,” Muntu, Kristo Mwini! Kutali kweezyanisa. Calo nciyubunuzyo eco Leza nca kayaka Mbungano Yakwe atala. Elyo ikuti na ta tu yaki aa Mbungano eyo njionya... I Bbaibbele lyakati, “Abela, ku lusyomo!” Elyo lusyomo nciyubunuzyo ca Buleza. Mwabona, lusyomo nciyubunuzyo ca Buleza. Yaa. Eci Cintu coonse ciyakidwe aa ciyubunuzyo mpawo, alimwi citakuti *eci* cayubununwa kuli nduwe! Jesu wakati, “Nda Ku lumba, Taata, kuti Wa kasissa zintu ezi kuzwa ku basongo ba inyika eyi, a kuciyubununa ku bavwanda bali boobo bayo iya.” Mwabona, lino, cintu coonse cakayakwa awo, weeledе kuziba Muntu!

¹²³ Elyo to konzyi kukkutya ceeco kwiinda ku kusangana mbungano. We elede kujana Muntu, Leza Mwini, uuli ndi Ijwi a— a bupanduluzi Bwakwe sunu, zisyomezyo ezyo Nzya kabamba sunu. I bantu abo Mba kali kuyooba abo mu buzuba obuno, “Mbungano iitakwe kaimba na kabala,” ta lyaambi kabungwe; lya amba bantu, bagame kabatakwe kaimba na kabala. “Koba bobilo mu bulo, Ndiyo bweza omwe a kusiya omwe; bobilo mu muunda, Ndiyo bweza omwe a kusiya omwe.” Pele cindi Leza, eyo nyota isalala kuba mbuli Nguwe, elyo mpawo ula bona kuti Ijwi Lyakwe lili muli nduwe, kali lisimpikizya Lini, kuti uli mulanda wa Leza. Kufumbwa ceeco Leza ncaamba, weeledе kuzuminana buyo kabotu ancico, mpawo ula boola kwiinda munzila iluleme mpawo kukkutya nyota eyo isalala ili muli nduwe.

¹²⁴ Oh, mubwini, bantu bayo kuseka, a kwaamba, “Wa kasondoka. Wa sondoka.” Pele amuyeeye eco nco banywa kuzwa, mwabona. Amulange oko nkoba bede. Sa inga wayeezezya mugodi mupati uulipompa meenda kaupoomona maanzi mabotu, a muntu umwi ku musanza kuli kumwi kwa mpako

kunselelo kuya, a bavube bafwide, atuyanza twa buzumini, zintuzyonse zili muli ncico, kunywa omuya, kupungula aku kufubaazya na? Oh! Baa, ta zyi, ta zyi cintu ii—ino Kalonga uukkutya nyota nko pona. Mbo mbubo ncobeni.

¹²⁵ Tu jisi Leza muumi. Taakwe oyo wakafwa myaka yakainda ili cuulu amyaanda ili fuka akukkala mu cuumbwe, pele Oyo wakabuka alubo. Bahebrayo 13:8, yaamba kuti, “Ngu mbobuca nguwenya, sunu, amuya myaaka.” I Muuya Uusalala nguwenya oyo wakawa aa Buzuba bwa Pentekoste ngo Muuya Uusalala nguwenya uuli ano eno. Walo Ncibeela cikkutya, nkaambo Walo ndi Ijwi. Mbo mbubo. I Muuya Uusalala wakalemba Ijwi, Ula pandulula Ijwi. I Bbaibbele lyakati, muli Petro Wabili, kuti Muuya Uusalala wakalemba Bbaibbele, “Bantu bakale, bakeenzegwa a Muuya Uusalala, bakalemba Bbaibbele.”

¹²⁶ Lino, to konzyi kucicita, to konzyi kukkutya nyota eyo iisalala kubelesya cimwi citasiki kuli Leza Mwini kapona muli nduwe, mu Muntu wa Muuya Uusalala. Lwiiyo, cilengwa, kusangana mambungano, kuloolola tuyanza twabuzumini, kuya kuzulilwa mu luswaanano; zintu ezi zyoonse zili kabotu loko, pele taba kulesyi ncobeni oko kwiitila kusalala, eyo—eyo nyota isalala, mubwini, tai katontozyi eyo nyota isalala.

¹²⁷ Nda kali kuswiilila kuli Billy Graham, muvangeli mupati, busiku bumwi. Nda mwaambila, Nda mukombela loko lino kwiinda Mbwe kasola kucita. Nda kamubona kacisungilizya ncobeni kuli mbabo, nzila mboba kacita. Wa kati, “Eyo nkamu ya bapaizi kaiselemuka mugwagwa, makkola anyonedwe akanyona!” Kuunka kunselelo okuya oko nkoba tajisi mulimo wa kuunka, kujatilila mpemo zyabo mu cintucimwi. Pele bakali kuselemuka mugwagwa, kukamba maanza abo a kuumaua matende abo. [Mukwesu Branham wakamba maanza akwe—Mul.] Ee, bakali kuboneka mbuli babumbulusi batasalali. Lino, nywebo mwabona, pele bajisi cintucimwi ncoba—ncoba syoma. Ba jisi cintucimwi, cila bombya buntu. Ba jisi cintucimwi ncoba kabotelwa. Mwanakazi umwi wakaunka a kunjizya mutwe wakwe mu cintucimwi kunselelo okuya, elyo bakali kuyeeya kuti waa kali sikufwida buzumini, alimwi waa kanyina ncito kuba muli ncico. Lino tu jana kuti baalumi aba [Mukwesu Branham wakamba maanza akwe] kajisi cintucimwi ncoba kali kukonzya kukamba maanza abo. Ba kali kkomene. Ba kali kucita cintucimwi.

¹²⁸ Ee, ikuti na wakonzya kucita ceeco ku ii—ii mulao oyo ngo yeeya kuti uli mpoonya awa; elyo mpawo kwiima mu mbungano nkabelia muntuumwi wakakamba maanza abo na kuumaua matende abo, bamadaikona bakali kubasololela kuzwa ku mulyango. Mwabona, ba sandula bantu babo kuba cibbotela ca busofwi bwa kansiyansiya a kabungwe, mibusena bwa kubasanina aa Ijwi lya Leza lilekedwe, oyo waka nununwa ku Nguzu zya bubuke bwa Jesu Kristo.

¹²⁹ Mwabona, bala sola ku, bala zimya nyota zyabo kwiinda ku kwaamba, “Ndili Mwiyi *Niini-a-niini*,” na kuzwa mu seminari imwi na cikolo cimwi. Pele eco ta caambi cintu comwe, kutali cintu. Pele, nywebo mwabona, ba, ba sola kuli kkutya beni, kwaamba, “Lino Leza uyo ndiziba nkaambo Ndili mweembeli Wakwe. Leza uyo ndiziba nkaambo Ndili Taata uusalala *Niini-a-niini*, na Bbishopu *Niini-a-niini*,” na—na cintucimwi mbuli ceeco. Ba sola kukkutya nyota yabo okuya, cindi to konzyi kucicita. “Ndi jisi Ph.D., LL.D. Ndi jisi Digrii lyangu taanzi lya Lwiiyo. Ndi jisi eci.” Eco cili kabotu. Pele, kuli ndime, eco caamba buyo kuti uli kulaale loko kuzwa kuli Leza. Mbo mbubo. Oko kutantamuka maningi kuzwa kuli Leza, ciindi coonse!

¹³⁰ Yebo uziba biyo Leza ku luzibo. To konzyi kuyiisyia Eci muli nduwe. Ca kazyalwa muli nduwe! Ncintucimwi eco Leza nca kupa. Lwiiyo talu jisi cintu cakucita a Ndulo. Umwi wa bantu bapati maningi mu Bbaibbele takali kukonzya akwalo kusaina zina lyakwe, Musalali Petro. Mbo mbubo ncobeni, walo a Johane, Bbaibbele lyakati, “Boonse bakali bantu buyo a batayiide.” Pele caka botela Jesu ku mupa zjaluzyo zyaku Bwami, nkaambo wakali kufwa nyota ya Leza. Ameni. Nyota ya Leza, luswaanano. Iyi, munene. Oh, ma!

¹³¹ Ndi yeeya Isaya, oyo mwaalumi mukubusyi, oh, mwaalumi mukubusyi mubotu, wa kali kumusanza okuya mu tempele, buzuba bumwi.

¹³² I mwaami mupati, alimwi wa kabikka busyu bwakwe kuli nguwe a kuyeeya kuti wakali umwi wa bantu bapati maningi. Kwalo, wa kali muntu mulemu. Wa kakomezegwa, bazyali babotu, banyina a bataata babotu. Pele cindi na kazwa, tunzenyu twakwe twakali kusalala, alimwi wa kabamba zintu kululama kuli Leza. Elyo Isaya waka mulanga a kuyeeya kuti wakali muntu mulemu, kamubikka kuba mukozyanyo. Pele muta (muta) kubika muntu, pele Muntu Kristo Jesu, ku Mukozyanyo wanu. Bantu boonse bayo kakilwa. Kwiinde kaindi, wa kasika ku busena; wa kali—wa kali mwaami, pele wa kasola kubweza busena bwa mupaizi a kunjila mu tempele, nkabela wa kaumwa cinsenda.

¹³³ Mpawo Isaya wakali pengede koonse, aboobo wa kaselemukila ku tempele elyo wa katalika ku—ku komba, wa kayeeya kuti inga waselemuka kuyo komba asyoonto. Elyo lino, amulange, oyo muntu wakali musinsimi; pele kunselelo kuya mu tempele wakali mwaalumi mukubusyi, wa kali koompolweda Leza, buzuba bumwi, nkabela cilengaano cakawa kumbele lyakwe. Elyo cindi na kacita, wa kabona Baangelo, Kerabimu, a masyu Abo kavumbidwe a mababa Abo—a mababa Abo, a matende Abo kaavumbidwe, a kuuluka kubelesya mababa obilo. Elyo Ba kali kujokela koonse akoonse, atala ansi kwiinda mu tempele, kabalila, “Uusalala, uusalala, uusalala ngu Mwami Leza Singuzuonyse.”

¹³⁴ Elyo Isaya, eyo nyota mpati nja kajisi, antela wa—wa ka yiisigwa. Antela wa—wa kajisi lwiyo lubotu. Wa kajisi ii—ii muzeezo mubotu wa obo Leza mbwa keelede kuba. Wa—wa kamvwa bapaizi. Wa kali mu tempele. Wa kakomezegwa kuba i—i musyomi, pele, nywebo mwabona, taakwe nakaboola busyu ku busyu a Ncico kale. Mwabona? Wa—wa kajisi kuyandisya kucita ciluleme. Wa kali kuyanda kululama, pele wa kajisi buyo lubazu lwa lwiyo. Wa kajisi lubazu lwa lwiyo lwabukombi ilwa Ndilyo.

¹³⁵ Pele cindi na kasika omuya mu tempele buzuba obo, alimwi wa kabona aba Kerabimu kaba yukauzya mababa aya koonse akoonse, a kumvwisy a kuti aba Baangelo baka kutaukilu kumeso aa Leza (Elyo Balo Baangelo tiiba kazi akwalo cibi mbo cakabede; a kwiima mu Busyu bwa Leza Ba kacita kuvumba masyu Abo aasalala, ku kwiima mu Busyu bwa Leza.), mpawo musinsimi oyo wakoompolola, “Maawe kuli ndime, nkambo Ndili muntu wa milomo iitasalali. Loonse lwiyo lwangu lwabukombi, lwiyo lwabukombi a zintu ezyo Nze kaiya, muzeezo wangu oonse mubotu oyo Ngwe kajisi wa Leza, Ndi langanya ku busyu a nguwo lino.” Wa kat, “Ndili muntu wa milomo iitasalali, alimwi Ndi kkala a bantu abo bajisi milomo iitasalali.” Koonse kuiisya kwabo kwa milao, a zintu nzo bakacita, takalina sika ku busena obo oko nkwa kanjila mu Busyu bwa Leza, a kubona Leza a meso akwe eni; a mukondo Wakwe, cindi Na kakkede Kujulu, mu Majulu. Elyo ngooyo mbwa kabede, busyu ku busyu a kasimpe. Elyo wa koompolola, “Ndili muntu wa milomo iitasalali, nkabela Ndi kkala akati ka bantu batasalali.”

¹³⁶ Mpawo wakali kuti Kerabimu wakabweza lumano, a kkala lya Mulilo kuzwa ku cipaililo, aku baguma milomo iitasalali. Elyo waka mufutatila mukandu, na kuzwa ku muntu uyiide, mwiiyi, ku musinsimi oyo Ijwi lya Leza molya kakonzya kukanana kwiinda. Masimpe, kuciindi nakali mu Busyu bwa Leza, Cakali cintucimwi candeene. Eyo nyota nja kajisi, yakali sikide busena obo mpawo, mane wa kazulwa a Mbubo.

¹³⁷ Elyo andi kwaambile, mweenzuma, Nse kwe ndaba na mambungano ongaye ngo sangana, ali ongaye mazina ngo bikka, kwalo nzila njounka, alimwi naa wakasansailwa, ku bapatizingwa, na kufumbwa mbobede; kusikila uka swaangane Muntu oyo, Jesu Kristo! Kuti, eco nce cintu cilikke ciyo kkutya ncobeni.

¹³⁸ Kulimvwa taku kacicit; inga wasotoka mujulu aansi a koongolola kufumbwa kuti koyanda, na inga wazuza atala ansi lya cibuye, alimwi inga wa kanana mu myaambo kunji mbuli mbo yanda. Elyo zintu zilasalala a zibotu. Ta ndaambi—Ta ndaambi cintu kulwana ceeco. Pele kusikila uka swaangane Muntu oyo, oyo Caabilo cikkutya, kuti Cintucimwi eco cibweza kapapu koonse mu mubili wako; kutali ku kulimvwa, pele ku kukkutila!

¹³⁹ Kali kubona citondezyo ciniini, kati, “Ikuti na wafwa nyota, kwaamba Parey.” Kwakali kunywa tukoko tuniini, cindi ni Nda kali mulombe, utegwa Parfay. Nda yeeya nke selemuka mu mugwagwa, oh, kuzwa kukuzela nswi, Nda kali kutala ku ciziba, meenda ateendi akaindi ateendi. Elyo Nda kali kutandila kufwa nzala, nkabela Nda kabona citondezyo kwaamba, “Ikuti na wafwa nyota, koamba buyo Parfay.” Nda katalika kwaamba, “Parfay, Parfay.” Nda kafwa nyota maningi ciindi coonse. Elyo Ndi—Ndi . . . Mwabona, Ndi—Ndi—Ndi jisi aboobo Nse kakonzya akwalo kuswida, kwiinde kaindi, Nda kali anyota loko—loko.

¹⁴⁰ Ee, nywebo mwabona, eco ta cika ciciti. Taakwe cintu ciyo cikkutya. Ta ndikwe makani, inga wanywa Kkokkakola, inga wanywa cili conse nco yanda, anzizyo zyaka lweesegwa ku meenda akkabboni, a zimwi zimbi, kwiina cintu ciyokkutya nyota mbuli kalonga, ka maanzi, katontola katontola. Eco ciyo zimya nyota eyo. Zyonse ezi zintu zimbi nziiminizyo.

¹⁴¹ Elyo nkaambonzi nco tu yanda kubweza ciiminizyo, kakuli kuli lubbizyo lwini lwa Muuya Uusalala lukkutya kapapu koonse a kusukamina mu buntu bwabantu? Mpawo koima moonya mu busyu bwa lufu, mbuli Muapostolo mupati Paulo wakati, “O lufu, luli kuli lumoola lwako? Elyo, cuumbwe, kulaali kuzunda kwako? Pele kulumbwe kuli Leza, Oyo uutupa kuzunda kwiinda mu Mwami wesu Jesu Kristo!” Olo nduzibo, mukwesu, oyo ukkutya obo buumuzi kuti . . . na eyo nyota isalala muli nduwe. Cila cikkutya. To elede kucita cimwi cimbi kujatikizya ncico. Inzya, Ci salazya milomo.

¹⁴² Elyo kuli, akwalo, bantu buyo bapona ku kunyanyamukwa, aa i . . . Bantu bamwi balati, “Ee, tu jisi kunji kwa ceeco mu nkamu yesu ya Pentekoste.” Elyo bayo njila, eco cili kabotu, bayo uma maanza abo a kulizya ciimbo. [Mukwesu Branham wakamba maanza akwe—Mul.] I ciimbo cilaleka, “shi, fyuu,” bbakete lya maanzi lya kalanduka zintuzyonse, mwabona. Lino tu—tu cita ceeco, tu—tu jisi mu cilengwa ca kucita ceeco. Tu jisi, tu—tu . . . Ca kaba buyo cimwi ca zilengwa zyesu.

¹⁴³ Andi mwaambile cintucimwi. Cindi wano komba Leza, mu Muuya a mu Bwini, cindi caba *cilengwa* kuli nduwe kucicita, nkaambo ueeyea kuti *weelede* kucicita; nkaambo ueeyea kuti, ikuti na toongololi, na kusotoka mujulu ansi, na kuzyana a ciimbo, simukobo nyokwe uyo yeeya kuti wakawa; uli mukunywa kuzwa ku kalonga kateendi. Yaa!

¹⁴⁴ Kusikila Wa zuzya kapapu koonse, kusikila Muuya Uusalala Lwawo wabwabuka muli nduwe; Ta ndikwe makani na ciimbo cili mukulizya, naa bali mukulizya *Munsi maningi, Leza Wangu, Kuli Nduwe*, na kufumbwa mbo cibede, i Muuya Uusalala ucilila milangu ya bulemu mu moyo wako. Eco cilakkutya. Eco Ncibeela ca Leza cikkutya. Kufumbwa cintu citasiki kuli Ceeco, wa citwa.

¹⁴⁵ Inga mwaambaula mu myaambo mbuli bantu a Baangelo, inga mwapa mbono zyanu zyoonse ku kusanina bacete, inga wasinsima, alimwi inga kono jisi luzibo, kumvwisywa makani aasisidwe oonse a zintu ezi zyoonse, nkabela tonaba cintu (Bakorinto Bataanzi 13) kusikila eco cikkutya Cintucimwi cikonzya kuzimya nyota eyo.

¹⁴⁶ “Buntu bwangu busukamina Leza muumi, mbuli insya mbwi fwekembela maanzi aku kalonga. Citakuti Nda konzya ku Ci jana, Ndiyo nyonyooka.” Cindi wafwa nzala ya Leza mbuli booboo, cintucimwi ciyo citika. I Muuya Uusalala ngwa kumu solelala ku tusensa oto tupati twa Leza. Iiyi, munene.

¹⁴⁷ Lino, kuli cintu cibotu, ca kukomba mu Muuya. Obo mbwini. Pele ziindizimwi ujisi Muuya kakutakwe Bwini. Musalali Johane 4, wakati, “Tula komba Leza, Muuya a Bwini.” Elyo Jesu Mbwini. Mbo mbubo ncobeni. Elyo Walo ndi Ijwi.

¹⁴⁸ I tulonga Leza twa katumina ku kukkutya, kunyama, Saatani wasofwaazya umwi aumwi wabo. Wa kabikka musamu uujaya mu muntu oonse oyo ngwa konzya kunjila. Mbo mbubo. Wa kabweza kalonga ako kapati, ka mbungano.

¹⁴⁹ Kuti, eyo yakali nzila ya Leza. Jesu wakati, “Atala ly a mwaala oyu Njo yaka Mbungano Yangu, nkabela milyango ya gehena tai Ka izundi.”

¹⁵⁰ Lino kuli kukazya kwaandeene kwa ceeco. I bantu ba Roma, Katolika yaamba kuti, “Wa ka Iyi yaka ali Petro.” Mwabona, elyo ikuti na cili booboo, Petro wakawa, mu mazuba masyoonto. Aboobo, Tii wakali obo. Masimpe tii wakayakwa aali Petro, *Petra*, mwaala muniini. Elyo mpawo muna Protestant ulaamba, kuti, “Wa ka Iyi yakila ali Lwakwe, Jesu Kristo.” Kutali kuba wiimpene, pele Nda impana a mbabo. Ta ka Iyi yakila ali umwi aumwi.

¹⁵¹ Wa ka Iyi yaka aa ciyubunuzyo ca Obo Mbwa kabede. Wa kati, “Ulacoolwe yebo, Simooni, mwana wa Jonasi, muntu uulya maila taku yubunwida ceeci, pele Taata Wangu oyo uuli ku Julu wayubununa eci kuli nduwe.” Kutali kwiinda ku luzibo! To ka Ci iya ku mabbuku. To ka Ci iya kwinda kukusangana mbungano. To ka Ci iya mu koongolola. Wa kacita . . . Pele Muuya Uusalala Lwawo wa leta ciimo ca Muntu Jesu Kristo kuli nduwe, mpawo, “Atala aa mwaala oyu Mpe nzoyakila Mbungano Yangu, nkabela milyango ya gehena taikonzyi Kwi izunda.” Eyo nyota isalala yakkutila mu ciimo ca Muntu Jesu Kristo. Mpaawo we. Eco nce cintu neco tu yanda kulangila, kukkutya nyota eyo a Ceeco. Yaa, tu jana kuti tweelede kucita.

¹⁵² Luzibo? Oh, ma! Luzibo ncintu cipati, tula zuzya, alimwi sunu tuli zwide ndulo. Pele nywebo mwabona, luzibo . . . mbuli mbo Nda kali kwaamba buzuba bumwi, kukanana aa ciiyo eco ca luzibo. Kwakali muntu wakaimvwi anze, wakali kwaambaula

ku mweenzuma wangu kaimvwi alya, kati, "Ikuti na muntu ta syomi mu lwiiyo, nkaambonzi nca bala Bbaibbele?" Ba . . .

¹⁵³ Nda kayeeya, "Ee, ikuti na tiiba kajana eco Mwami Jesu nca kaamba, mbobuti mbobaya kujana kulikankaizya mbuli ndime, eco Nce wamba?" Tiiba kakonzya akwalo ku Mu mvwisya, cantangalala mbuli Mbwa kabede.

¹⁵⁴ Wa kati okuya buzuba bumwi, "Mwatalya mubili, Bulowa, kunywa Bulowa a kulya mubili wa Mwana wa muntu, to jisi Buumi muli nduwe." Ta ka Ci pandulula. Wa kazumanana kweenda. Mbo mbubo. Mwabona?

¹⁵⁵ "Ee," ba kati, "oyu Muntu walo mupyungi. Tula Mu yanda . . . kulya mubili Wakwe, kunywa Bulowa Bwakwe. Ngu sikunywa bulowa bwa bantu. Mwabona, Walo uyanda kuti tube basindyabantu." Mwabona? Balo basibupampu!

¹⁵⁶ Pele Wa kati, "Mbelele Zyangu zilamvwa Jwi Lyangu." Mwabona, Liyo boola ku Basale, Leza waka salide kwiinda ku kuzibakale. "Elyo abo Taata . . . Taakwe muntu ukonzya kuboola kuli Ndime citakuti Taata wamukwela. Elyo boonse Taata mbaka Ndi pa, bayo boola, bayo Ci mvwisya."

¹⁵⁷ Balo basikwiya tiiba kakonzya ku Ci mvwisya, pele baka Ci syoma. Mwabona? Mbo mbubo. Ikuti na mula Ci syoma! Nse konzyi kumvwisya zintu zinji. Nda Ci syoma, nekuba, mwabona, nkaambo Leza wakati Ca kali boobo.

¹⁵⁸ Luzibo. Nywebo mulizi, makani mabotu aa Saatani ngo luzibo. Sena mwakalizi eco? Wa ka cikambauka mu muunda wa Edeni, kuli Eva, nkabela waa keenwa ku makani akwe mabotu aa luzibo. Lino, alimwi wasofwaazya mukowa onse wabantu, a nguwo. Mbo mbubo ncobeni. Ba kabweza mabambe aa lwiiyo, kuba bikka mu mbungano. Bali kabotu kubusena *okuya*, pele kutali mu Ijwi lya Leza. Peepe, munene. To zyi Leza ku lwiiyo. Ta muzi Leza ku—ku—ku kuziba nzila, kwiya mathamatikisi a kwaamba mabala mapati.

¹⁵⁹ Paulo, wa kali muntu musongo. Pele cindi na kaboola kuli Kristo, a kutambula Muuya Uusalala, kaunka ku Bakorinto, wa kati, "Nse kaboola kuli ndinywe a majwi akweeleleyza aa busongo bwa muntu," nekubakuti na kakonzya kucicita. Kati, "Nda kaboola kuli ndinywe mu nguzu a luyubunuko lwa Muuya Uusalala, kuti lusyomo lwanu luyooba muli Leza, kutali mu busongo bwa muntu umwi."

¹⁶⁰ Lino ziindizimwi tu bamba mabambe aa mbungano, akwalo baitila mweembeli wabo—wabo. I mbungano iyo vootela mweembeli, ba lati, "Ee, oyu mweembeli, lino, uli jisi madigri obilo mu kkolegi. Wa kaiya myaka yone ya lwiiyo lwa kulilemeka kwa mizeeo. Wa kabweza *ceeci*, *eco*, *i cimbi*." Elyo bayo vootela musyobo oyo wa muntu (nkaambonzi?) mubusena bwa mweembeli oyo usyoma mu Ijwi lya Leza mukunanikwa a kuba

Leza, nkabela uyo kambauka Ijwi kakutakwe kulanganya obo bantu mbo balimvwa kujatikizya Ndilyo.

¹⁶¹ Leza wakaambilia Ezeikieli, nyewebo mulizi, kati, "Kambauka kuti naa bala Li syoma na pe. Ko Li kambauka, nekuba." Mwabona? Mbubo. Naa bala Ci tambula, na pe, eco tacili ncico. Tiiba katambula Jesu. Wa kazumanana ncobeni, ku Ci kambauka mbubonya buyo. Mwabona?

¹⁶² Mubusena bwa mweembeli wini uyo kambauka Ijwi ncobeni a kusyoma muli Leza, ba—ba—ba sola kunjizya i—i bupampu, muntu oyo ujisi lwiiyo lubotu kwiinda; i muntu ukonzya kwiiima mu cikambaukilo a kuta bweza pele kutandila buyo maminiti ali kkumi aosanwe, kutegwa bakonzye kusika ku muunzi cakufwambaana, a kuunka (bamwi) kucita cintucimwi cimbi, alimwi Ricky wabweza musako wakwe upya akutalia kweenda, elyo bala konzya kuya ku marpati akulibbwaya a zintuzyonse. Elyo cili, oh, cili—cili buyo tacili—tacili cintu cimbi pele busofwi bwakatintanisigwa kwa lwiiyo. Mbo mbubo. Mbubonya buyo mbo cibede. Mbo mbubo. Pele ino ncinzi? Cila kkutya kuyandisyua kwabo, mwabona, cila kkutya kuyandisyua kwa mbungano yanyika.

Ta kukkanutyi kuyandisyua kwa musalali. Uyo bweza Ijwi ziindi zyoonse!

¹⁶³ Pele ba lati, "Oh, ee, lino balo bantu taba kkwene buyo aniini ku mizeeo yabo." Mwabona, taba citi buyo, taba cimvwisyi. Balo, basola kupona mu buzuba bwakainda.

¹⁶⁴ Sa tacili ceenzu! Nda kazwa awa Kumbo, alimwi Ndi jana kuti boonse basola kupona mu buzuba bwakainda, lyoonse bayanda bumwi bwa mazuba a simbizi weembela ng'ombe. A kuselemukila mu Kentucky, ku mazuba abasikkala mu malundu aa ciyanza cakaindi, bayanda kupona mbuli ncico, kuba a mabambe ancico. Pele cindi caboola ku Bukombi bwa ciyanza cakale, taba yandi cintu kujatikizya Mbubo.

¹⁶⁵ Mazuba aciyanza cakaindi na? Nda kaboola kuno ku ciindi ca mizundano yiindene indene, Nda kabona kuti baka jisi mwanakazi mulemu kunseleno okuya, zintu ezyo zya girini kunsi lya meso akwe, a masusu mafwaafwi ageledwe, musanga watombwe mu mulomo wakwe. Baa, ikuti niba kabona ceeco kaindi mu mazuba akaindi, niba kayeeya kuti waa kai kuligwa ku busenabumwi. Balo, niba—niba—niba ka mubikka mukati. Ino kuti banyoko niba keenda kuzwa, kabasamide mbuli nduwe a dresi lyako lya mwana musimbi sunu, eco cakali nocitika? Niba kamubikka mu kabunga kalanganya basondokede. Masimpe, waa kazwa katakwe musinsi wakwe. Ee, lino amuyeeye, ncintu nciconya sunu.

¹⁶⁶ Muntu uli mukubola mu mubili wabo. Ikuti na bainda mu myaka yakukomena yaakatikatikati, akati ka myaka ili makumi obilo ayosanwe yakukomena, maseelo aaku boongo bwabo ali

mukubola akwalo. Taba jisi... Bantu bali jisi boobo taba jisi kumvwisya kweelede. Ta bazi kulilemeka kubotu nco kwaamba. Ta bazi lwandaano akati ka ciluleme a cilubide. Elyo, oh, nekubakuti, mabambe abo aalwiyo, ba...

¹⁶⁷ Sena mwakalizi, lwiyo, inga Nda citondezya kuli ndinywe, nca dyabulosi? Kutali kubala a kulemba; pele, Nda amba, kubikka lwiyo lwabo mu mbungano yanu.

¹⁶⁸ Ino kkomunizimu ibikkidwe nzi? Sayaansi, lwiyo, oyo ngu kaleza kabu. Saatani, mwabona, nce ncico nca kazibya kuli Eva. Nce ncico ncoba cijatilide.

¹⁶⁹ Lino cili mu mambungano esu, cili mu bana Baptisti, ba Methodisti, a Presbyteria, ba Pentekoste, a boonse. Lwiyo lumwi, lwabupampu, bumwi bupati *boobu-a-boobu* a cintucimwi mbuli ceeco, eco ci mutantamuna kulaale kuzwa kuli Leza. Cili lubide. Iyi, munene. Lino, tu jana kuti, (balu) cila kkutya kuyanda kwabo. Cindi ii—cindi ii—ii mbungano ya vootela cintucimwi mbuli ceeco, ciinka kutondezya eco cili mu mizeezo ya mbungano eyo, oko kuyandisyia kwabo mbo kubede, oko nyota yabo nkobede. Ba yanda kwaamba kuti “Mweembeli wesu ula mizeezo ibutumaa. Ta tukasyi kusamba antoomwe, alimwi ula unka andiwe.”

¹⁷⁰ Ii musimbi muniini wakaambila Sarah wangu, buzuba bumwi. Mweembeli wakwe wakali ku Africa; elyo cindi na kapiluka, waa kasamununa zisani zyakwe, masiku ayo, kasamide kalegeni, a kumu citila ca watusi, ku musangabalisyia nkaambo wa kali ku Africa. I Watusi walo mukowa okuya, nywebo mulizi. Mulombe, Ndi yanda kubona umwi wa basimbi bangu, mu mbunga yangu, kusola kucita cintucimwi mbuli ceeco, wathuga?

¹⁷¹ Mwabona, ciinka kutondezya! Elyo mweembeli inga wakkala a kulanga umwi wa mbunga yakwe, musimbi muniini (kkumi acisambomwe na kkumi alusele yakukomena) musimbi okuya waka samununa mbuli boobo, a kumu lekela kuta subulwa kuli ceeco, eco citondezya kuti wakazwa mu cimbota, lwakwe, mutnu wa Leza kucita cintu mbuli ceeco. Nincobeni.

¹⁷² Eco cilimvwisya bubi, pele Nda mvwisya kuti Ndi kambauka koonse ku cisi, ambebo. Pele uli zyi eci akwalo, mukwesu, mucizi, andi kwaambile, obo Mbwini.

¹⁷³ I kkubi liyanda zintu zifwide. Mbo mbubo. Elyo eco cili fwide! Mbo mbubo ncobeni. Kutondezya antangalala, cila tondezya antangalala awa obo mbo bayeeya a ngazi yabo ya bweendelezi, eco nco ubapa, mwabona, eco cili mu buntu bwabo. Buntu bwabo busukamina zintu mbuli ezyo.

¹⁷⁴ Buntu bwabo busukamina mbungano yabupampu, oko bantu nkoba sama kabotu loko, a mweembeli kutola maminiti ali kkumi aosanwe, na makumi obilo. Elyo ikuti na waunka atala lya ceeco, baka mukwela kujokela aa bbooti lya bamadaikona.

Elyo ta elede kwaamba cintu kujatikizya cibi. Ta elede kwaamba kufumbwa cintu kujatikizya kusama tubbudula, alimwi takaamba cintu kujatikizya bantu kucita *eci, eco*, na i *cimbi*. Ta elelde kwaamba ceeco pee. Ikuti na bacita, boodi iyo yandika kumu gusya. Mwabona mbo cibede? Ako ngu kasebyo ka muntu musongo.

¹⁷⁵ I Bbaibbele lyakati, muli Johane Mutaanzi 2:15, “Ikuti na muyanda ciyanza eci ca nyika, na zintu zya nyika eyi, ngu kaambo kakuti luyando lwa Leza talumo akwalo muli ndinywe.”

¹⁷⁶ Lino ino kujatikizya koonse oku kulilemeka bumwi mbo bacita sunu, mu zina lya mbungano; kwiiya cizyano casikkweya mu cikombelo, kulidana mu njuka, kulyana mu cisobanao ca loto, marpati, kuzyana kuliyyumba buniini kwa bakubusyi, kulibbwayaaula, zyonse zintu ezi! Amulange oyu Elvis Presley, dyabolosi kaimvwi mu mabbusu! Pat Boone, Ricky Nelson, nkoloto mpati kwinda cisi eci nco cakasola kuba awo! Mbo mbubo. Ba lati, “Oh, mbakombi maningi, ba kaimba nyimbo zya Bunakristo.” Ta beelede. I—i mbungano ta yeelede akwalo kuzumizya cintu mbuli ceeco! Bamwi balombwana aba baunka awa, elyo—elyo sunumasiku bali mu ii—ii bbiyaholo mpati okuno, kuzyana a kulizya ziimbo a zintuzyonse, elyo busiku bwakatobela ba kaboola ku cipaililo a koomoka, a busiku butobelala balizya ciimbo aa cibumbili. Oh, bubotu, caluzyalo! Mbulamfu buti busofwi mbo bukonzya kusakana, mbo bukonzya kusofwaala, nekuba? Iiyi, munene. Kulitondezya mwini lutaanzi kuba muntu wa Leza, kutali zintu ezi zyoonse buyo nkaambo ula konzya kuuma gitaa liyakaindi na cintucimwi.

¹⁷⁷ Kwiinda ku kuyanda kwako, inga waziba oyo uuli aa cuuno cabwami ca moyo wako. Kwiinda kuli ceeco nco yanda, eco nce caamba. Yebo, yebo wati, “Ee, Ndi yeeya kuti zintu zili kabetu, Mukwesu Branham.” Ee, koyeeya buyo lino, mu moyo wako, ulizi eco cili omuya. Iiyi, munene. Kuli ceeco cisanina buntu bwako, eco buntu bwako nco bufwida nyota, alimwi inga wabona cila kkutya ceeco; ikuti na talili Ijwi eli, nkokuti kuli cintucimwi cilubide, nkaambo Muuya Uusalala ulapona aa Ijwi buyo. Mwabona?

¹⁷⁸ Ndi yanda kuti mubone ntenda imbi mpati, katutana buyo kujala, ikuti na toli—ikuti na to jisi mulandu wa zintu ezi zili zyoonse Nze kaamba, alimwi, nko kuti, ntenda ya kutabikkila nyota. Mwabona? Yebo wati, “Ndi jisi nyota iisalala. Pele Nse—Nse jisi mulandu, Mukwesu Branham, wa kuunka buyo a kusangana mbungano, a zintu mbuli ezi.” Pele, mwabona, ku unduluzya nyota! Ikuti na wa unduluzya kukkutya nyota ya maanzi na cakulya, uyo fwa. Elyo ikuti na wa unduluzya nyota eyo muli nduwe, nkambo Leza, uyo fwa kumuuya.

¹⁷⁹ Amwiitile lubukulusyo, amu lindilr mbungano yanu kuba a lubukuluso. Ee, olo taluli—olo taluli lubukulusyo kuli nduwe.

I lubukulusyo lweelede katalika moonya muli nduwe, cindi watalika nyota ya Leza. Antela takukwe membala umbi, wa mbungano, uyanda lubukulusyo olo. Ikuti na lwa pasauka muli nduwe, luya pasukila masena amwi. Mwabona? Pele, mwabona, unduluzya nyota eyo.

¹⁸⁰ Wa unduluzya kukama ng'ombe, cindi ng'ombe zya . . . ibbele lizwide mukupa; elyo ikuti na walekela ng'ombe eyo kukkala mbuli boobo, iyo yuminina. Mbo mbubo ncobeni. Ikuti na wa unduluzya kunywa maanzi, kwaamba, "Nse kanywi limbi," uyo fwa. Wa unduluzya kulya cakulya, uyo fwa.

¹⁸¹ Aboobo ikuti na waunduluzya kupa Muuya Uusalala Ijwi lya Leza, uyo fwa.

¹⁸² Nywebo no Banakristo, nywebo noba Baptisti, ba Methodisti, ba Presbyteria, ba Pentekoste, Assembilisi ya Leza, Babumwi, Babubili, Babutatu, kufumbwa mbo mubede, mwabona; takukwe makani, eco tacikwe makani cintu kuli ndime, Nse yeeyi kuti cila cita kuli Leza. Mwabona, uli mugame, uli mugame. To kaunki ku Julu mbuli mbungano, na ii—ii kabungwe. Uyo unka ku Julu mbuli muntu omwe olkke, akati ka nduwe a Leza. Kwa mana. Takukwe makani obo mbungano nko zulilwa.

¹⁸³ Elyo ikuti na mwaunduluzya kubala Bbaibbele a kusyoma Bbaibbele, a Muuya Uusalala wakulya Ceeeo, uyo fwa. Jesu wakati mu Musalali Johane 4:3; Lugwalo, lwaka cimvwa kabotu . . . Jesu wakaamba kuti, "Muntu taka poneni ku cinkwa cilikke, pele ku Ijwi lyoonse," kutali cibeela buyo ca Ndilyo.

¹⁸⁴ Tu bweza aniini, loko *awa*. Ndi ciita kuti sikutanta myoota mukulombelela wa Bbaibbele. Ba lati, "Ee, Nda syoma *Eci*, pele lino atu unke *awa*, mwabona." Mwabona?

¹⁸⁵ We elede ku Li bweza, Ijwi ku Ijwi. Jesu wakati, "Muntu uyo ponena ku Ijwi lyoonse lizwa ku mulomo wa Leza." Sena mwakalizi obo?

¹⁸⁶ Elyo, nywebo mulizi, twa kabamba—twa kabamba buzuba obo mbo tuponamo, twa—twa kapanga buzuba buno i . . . ii—ii—ii lupilingano lwa bukombi.

¹⁸⁷ Mwana wangu musimbi waka ndiita mukati, kutali ciindi cilamfu cakainda, a kwaamba kuli ndime, "Taata," ku lubazu lutobelwa lwa ng'anda, waa kat, "boola okuno, tu yooba a bubambe bwa bukombi." Kwakali kwiimba, kwiimba ciimbo cakulumbaizya, elyo kwakali Ricky umwi muniini waka cibala kutala okuya. Elyo ikuti na Nda kasola kubona nkamu ya kusanka cintu cisetekene, cakali eco! Balo balombwana kutala kuya, a bantu, kaboneka loko mbuli kuti wakali cibuye cakupandauka. Kweelede kuba mukowa waba India, nkabelia bakali kulilemeka bumwi, a—a kusotoka mujulu a kabbokesi ali umwi aumwi.

¹⁸⁸ Oko, eco cakaunka a kusinizya, kuli ziimbo ezyo zya ciyanza cakaindi nzo twa kali kwiimba, a kutangala mu Muuya wa Leza, a misozi kiimbulumukila aa masaya esu? Elyo lino tu sola kujatilila kuyoya kwesu kusikila ta tujisi kuyoya kunji muli ndiswe, mane busyu bwesu bwa bbulu, kusola kutondezya kuti tuli musyobo umwi wa mwimbi. Mwabona, twa kaiya eco kuzwa ku Hollywood, elyo oonse aya mabambe ngo tubona kwiinda mu ciimbo eci cabupampu kwiimba a kwiyia kwa jwi. Nda—Nda botelwa kumvwa kwiimba kubotu; Nda botelwa kumvwa kwiimba kubotu, kwa ciyanza cakaindi, kwa pentekoste. Pele masimpe Nda bijilwa kumvwa oko kucwema nko baita kuti kwiimba, sunu. Mbo mbubo. Ndi yeeya kuti eco ncintu cabufuba loko. Lwalo ndusandulo. Mbo mbubo.

¹⁸⁹ Nda yanda kubona muntu cindi na kali muntu. Ndila bijilwa kubona umwi kasamide cisani cakunsi ca mukaintu awa, a kusobelela ambali lya lubazu; a—a cilola kacilengelela ansi awa kumbele, a zikuti zyobilo kazilengelela mbuli cikata, kugelwa kumbele. Kuti, Nse—Nse kakonzya kwiita oyo muntu. Ta zyi lubazu lwa mukowa nkwa zulilwa. Mwabona? Mbo mbubo. Nywebo mwabona mwanakazi, amulange, mwanakazi usola ku mugela, kubamba masusu akwe mbuli mwaalumi; i mwaalumi usola kubamba masusu akwe, zyooso, mbuli mwanakazi. I mwaalumi usama zisani zya mukaintu wakwe zizwide kensi; usama ovolosi lyakwe. Mwabona, lupilingano buyo, nkoonya kuzunguluka.

¹⁹⁰ Elyo nce cintu nciconya mbocibede ku cisi, a bantu, a mambungano, a zintuzyonse. O Leza! Zili kuli mamanino aa cintu? I Kuboola kwa Mwami Jesu Kristo, ayo mamanino a ncico.

¹⁹¹ Abooobo, ikuti na waunduluzya kusanina Muuya Uusalala Ijwi lya Leza! Jesu wakati, “Lyoonse Ijwi liyooba ku Muuya Uusalala.” Elyo amuswiile, lino, ikuti na wasola ku Ci sanina cintu cilubide, ikuti na Walo Muuya Uusalala wini muli nduwe, Uyo ziba lwandaano. Lino, amuyeyeye, Ijwi lya Leza nde ndilyo Muuya Uusalala nkoulya. Nse lyi akunyanyamukwa. Nse lyi lwiiyo. Nse lyi zya kuya kucikombelo. Nse lyi lwiiyo lwabukombi. Kuli lwandaano lunji akati ka cintucimwi cinanikidwe a bulanganye bwa lwiiyo lwabukombi kuli ncico.

¹⁹² Boonse abo basilwiiyo lwabukombi mu mazuba aa Jesu, ma, ba kajisi ijwi ku ijwi, peegi ku peegi, oonse akabikkwa anze, Mesiya wakacita kusika nzila *eyi!* Obo mbombubo mbo cakabede. Elyo balo, umwi aumwi, baka ciimpya. Nywebo mulizi eco Jesu nca kaamba cindi Na kaboola, kat, “Muli bauso wanu dyabulosi, a milimo yakwe moyo icita.”

¹⁹³ Tii caka yubununwa kuli mbabo obo Ijwi lini mbo lyakabede. Mwabona, ba kaimpya makkona ayo maniini, mbuli kuti baimpya sunu. “Ikuti na uyo zulilwa kuli *eyi* a kuzulilwa kuli *eyi*, uyooba kabotu.” Muta syomi eco. Mweelede kuzulilwa kuli

Kristo. Elyo ikuti na kuli Cintucimwi muli ndinywe, cifwa nzala ya Kristo!

¹⁹⁴ Amuyeeeye buyo, cindi nokali mu cikungu ca bauso, wakali a nguwe kaindi. Pele bauso tiiba kakuzi mpawo, nkabela toka bazi bauso. Elyo wakacita kusika a kuzyalwa. Leza wakabamba nzila kwiinda muli banyoko, nkambo i—i bakanyongana mu mbuto, elyo mpawo ya kaboola. Elyo mpawo wakaba mwaalumi na mwanakazi, kufumbwa mbo cakabede, mpawo wa ziba bauso, a bauso bakali kunga baba a luswaanano a nduwe.

¹⁹⁵ Lino, amuyeeeye, ikuti na ujisi Buumi Butamani, Buumi bwako bwakali muli Leza ku matalikilo. Elyo, Buumi, Leza ndi Ijwi. Elyo mpawo cindi Ijwi nilyakaba mu mubili wabuntu muli Jesu Kristo, Leza kaseluka kukkala mu mubili Wakwe Mwini, wakali bamba Mwini kuba Mwana wa Leza. Cindi Leza nakaseluka kukkala muli ceeco, mwakali muli Nguwe cindi Na kabambulwa. Elyo mwaka bambulwa a Nguwe, nkabela mwakafwa a Nguwe aa Kalivari. Mwaka zikkwa a Nguwe, aa cilundu. Elyo wa kabuka a Nguwe, aa cifumo ca Pasika. Elyo lino muli kkede antoomwe mu masena Aakujuju, muli Nguwe, elyo lino muli jisi luswaanano a Nguwe. Mwabona?

¹⁹⁶ Leza Mwini wakaba umwi wesu. “Taakwe muntu wakabona Taata, ku ciindi cili coonse, Simuzyalwa alikke wa i (Mwana) Taata waka Mu lungulula.” Nkokuti, Leza wakaba Muntu, aboobo Wa kali kukonzya kumu swaangana mbuli muntu. Mwabona? Elyo lino uli—uli mubili, alimwi Walo mubili. Leza waba mu mubili wabuntu akati kesu, mucimo ca Muntu Mwana Wakwe, Jesu Kristo. Elyo muli Nguwe wakali Leza. Wa kali Leza, taakwe cisyoonto kuli Leza. Wa kali Leza. “Leza waka yubululwa mu Mwana, Jesu Kristo,” oyo waka Mu bamba kuba *Emanueli*, mbuli musinsimi mbwa kaamba kuti Uyo oba.

¹⁹⁷ Lino mwabona, mpawo, wa keelede kuba inyika kiitana sola kubumbwa, zina lyako lya kabikkwa mu Bbuku lya Buumi ilya Mwanaambelele. Elyo mpawo ncinzi nco konzya kulya? I Muuya Uusalala ulapona kwiinda ku Ijwi lya Leza. Elyo lino mu Ciybunuzyo 22:19, Bbaibbele lyakati, “Kufumbwa muntu uyo gwisya Ijwi lyomwe kuzwa kuli *Eli*, na kuyungizya ijwi lyomwe kuli Ndilayo, cibela cakwe ciyo gwisigwa ku Bbuku lya Buumi.” Sa mwabona mbo cisakanana? To konzyi, Muuya Uusalala tau kaponi aa zintu zya inyika.

¹⁹⁸ Mboli muyuni wa nziba a cikwaangala. I cikwaangala ngu sikuupaupa mupati. Ii cikwaangala, oyo mulombwana inga waunka awa a kukonzya kulya whiti buzuba boonse; a kuunka okuya a kuuluka aa bafu, mutunta uuwide wakaindi, a kuulya awalo. Ula konzya kukkala mu muunda alimwi ula konzya kulya antomwe a nziba, whiti, a kwiinka okuya a kulya mutunta uuwide.

¹⁹⁹ Pele nziba inga yalya whiiti buzuba boonse, pele tai konzyi kulya mutunta uufwide, nkaambo ni nziba. Elyo nziba tai jisi mululwe nouceya. Kulumwa komwe kuzwa ku mutunta oyo uufwide, inga yajaya nziba. Mwabona, ta ijisi mululwe. Elyo nje nzila mboibede, taakwe ndulwe.

²⁰⁰ Eyo nje nzila a Munakristo, wini ncobeni. Taba yandi zintu zya inyika. Ba kalya buyo Ijwi lya Leza, alimwi Eelyo lilikke; eco cisalala, Kasebyo ka muntu musongo. Mwabona, ba kaboola kwiinda muli Ceeco, alimwi Eco cilikke. I zintu zifwide zya inyika, zila nunka kuli mbabo.

²⁰¹ Amulange cikwaangala wakaindi mu mazuba aa lunyonyooko lwa zambangulwe pati, kauluka kuzwa ku mibili kuyaku mibili, kulya mitunta yakaindi yakafwide, ta kajokela ku bwaato. Pele nziba tii yakakonzya kujana akukkalila maulu ayo, mwabona, ya kajokela ku bwaato oko nkoya kali kutola museke. Elyo nje nzila mbo tucita, tu ponena ku Ijwi lya Leza.

²⁰² Mu Ntembauzyo 42. Davida kweelede kuti wakalemba Ntembauzyo eyi, Ntembauzyo 42, cindi na kali sikuloboka, cindi na kati, “Buntu bwangu busukamina Nduwe, mbuli insya mbwi fwekembela maanzi aku kalonga.” Amulange, wa kalila. Davida wakali sikuloboka. Wa kali... Wa kajisi mafuta akunanika ali nguwe, wa kalizi kuti wakali kuyooba mwaami. I musinsimi waka munanika mwaami. Lino amubone, elyo ngooyo mbwa kabede, wa kajisi cikama ciniini ca basilumamba, cakabambwa aa Bamasi, azimwi zimbi, kali atala lya mulundu. Oko, munzi wakwe wini uyandwa, nkaambo ka zibi zyabo, bakali bombomana koonse aba Filisiti. Elyo Davida, ku buzuba obo bupya, kweelede kuti cakali cindi na kalemba Ntembauzyo eyi, “Mbuli insya mboi fwekembela maanzi aku kalonga.”

²⁰³ Amubone Davida mu ciimo eci. Wa kalanga ansi, wa kalanga ku munzi wakwe uyandwa. Elyo wa kayeeya cindi na kali mulombe muniini, wa kali kugwisya mbelele ku ciziba eci cimwi okuya. Cakali cisi, cipati ca maanzi, alimwi acalo cisi ca cinkwa, kumusanza okuya. Mubwini, *Betelehemu*, lyaamba “ng’anda ya Cinkwa iya Leza.” Elyo mpawo cindi Davida nakayeeya kuunka okuya a kunywa ayo maanzi mabotu atontola, elyo ngooyu wakali lede awa lino, sikuloboka, kuzwa ku bantu bakwe beni. Ta kajisi busena bwa kuunka, alimwi buntu bwakwe kweelede kuti bwakalilila maanzi ayo mabotu aatontola.

²⁰⁴ Wa kajisi balanda bamwi okuya abo, ma, kuyandisya kwakwe kuniini buyo kwakali kulailila. Elyo balo, botatwe babo, bakalwana nzila yabo kwiinda mu mundando oyo wa ba Filisiti; mamaile ali kkumi aosanwe, mamaile ali ciloba, na cintucimwi, kuyaansi a kusule; kutenda nzila yabo do, a kumuletela cakunywa ca maanzi ayo. Pele buntu bulafwa nyota...

²⁰⁵ Mubili wakwe, wa kali kutala kuya, antela wakacita kunywa kuzwa ku cintu cili coonse nca kakonzya kujata, zikutu zyampongo zyakaindi a zintu, a maanzi amwi akaindi apya, aa buzuba obo bupya. Wa kayeeya, “Ikuti Nda konzya buyo kulala a kutontozya nyota eyi Nje jisi! Ikuti na Nda konzya buyo kuselemukila okuya ku Betelehemu a kulala munsi ly a butololo obo, a kunywa!”

²⁰⁶ Elyo cindi niba kaselemuka a kuteka maanzi, a kwaajosya, buntu bwakwe nyota bwakali bupati maningi, kutali ku Betelehemu, pele kuzwa ku Jerusalemu; buntu bwakwe bwakali obo. Aboobo wa katuula maanzi, kati, “Nse kakonzya akwalo kuunywa.” Wa kaatila aansi. Mwabona, buntu bwakwe bwakafwa nyota loko kuli Leza, kwiinda mbo cakabede kukkanutyta tumpetu twa mbotu . . . nyota yakwe ya mubili wakwe, a maanzi mabotu aatontola. Wa kaatilila ansi.

²⁰⁷ Mwabona, Ng’anda ya Leza, maanzi atontola akutontola kwa Jerusalema, uuli aatala! Jesu wakati, muli Johane 6:33, “Ndime i, Cinkwa ca Buumi. Ndime Cinkwa ca Buumi.” *Betelehemu*, “ng’anda ya Leza,” mbungano yesu, mbungano yanyika iya Leza, mbungano ili waano aa nyika. Tula yanda kuunka ku mbungano awa aa nyika, pele mupati maningi ngu Jerusalema, uuli aatala, uuli ngu Leza. Jerusalema uli atala, uuli ngu Leza! Nimpati maningi eyo nyota ya buntu, kuba a Nguwe, kwiinda mbo cinga caba buyo kulikkutya lwako a kusangana mbungano kubusena bumwi. Mwabona, kusangana mbungano taku kkutya nyota eyo. Davida waka citondezya awa, meenda nkoonya kuzwa ku ng’anda ya Leza, mwabona, wa kaatila aansi; kujana luzyalo, kujana cakunywa cibotu cikasaala cizwa kuli Leza. Nokuba ali ceeco . . . Mpati kwinda nyota ili muli nduwe, ni nyota ya kusukamina kwa buntu kuli Leza.

²⁰⁸ Amubone Jerusalema, ijwi. “Jerusalema uuzwa kujulu,” Bbaibble ly a kaamba, “kwalo tuli . . . ngu Baama wesu toonse.” Elyo Kristo ngo Baama. Tula mvwisya kuti Leza ngo Baama besu, nkambo twa kazyalwa kuli Nguwe. I bbala lyaamba buyo “luumuno,” Jerusalema, *Shalomu*. Na, *Shalomu*, elyo lyaamba “luumuno,” Jeru-shalomu, mwabona, lyaamba “luumuno.”

²⁰⁹ Mupati maningi weelete kuba nyota ya buntu buli boonse, nkambo ka meenda aa Buumi, kwiinda kwaamba kuti uzulilwa ku mbungano; i nyota ya buntu taikonzyi kukkutila, nyota imi yakasimpe. Lila konzya kupilinganisigwa. Ula konzya *kuyeeaya* kuti uli kabotu cindi wasangana mbungano, pele eco tacili Ncico. Oko taku kakkutya nyota ini iisalala ya Leza. Ta cika ciciti buyo. Ci buyo . . . Ta ciko buyo.

²¹⁰ Lino Davida wakati, mu Ntembauzyo 42:7 awa, “Cindi lwizi lwaitana ku Lwizi nyina, ku kuvuumma kwa milonga Yako,” kwiita kwa buntu.

²¹¹ Amulange, Nda kabelesya eci kanji mbuli bupanduluzi bupati. Ikuti na kuli kayambyo kusule lya nswi, ya keelede kubikkwa okuya kuli nguwe kuyamba. Walo ujisi kubula kwa ceeco. Lino ino kuti na kaamba kuti, “Ndi yooba nswi zyandeene. Ndi yooba nswi, yakaiya kabotu. Uh-huh, Ndi—Ndiyo buyo... Ndiyo syoma lwiiyo lumwi lwabukombi lwini! Nda syoma Ta ndeelede kuba a lusakatizyo olo”? Ta kakonzya kusakana loko mu maanzi, sa inga wacita? Elyo mbo mbubo ncobeni.

²¹² Ino kuti cisamu cakati, “Lino, Ndi lizi kwa keelede kuba nyika lutaanzi, kuli ndime kukomena mukati. Mbo mbubo. Nde elede kukomena mu nyika. Pele Ndi yooba samu lyaandeene, Ndi yanda kuti bandi kkazikile awa akati ka kagwagwa, kutegwa Ndi konzye kuzibwa”? Mwabona, inga nata kapona kwa ciindi cilamfu. Mwabona? Mbo mbubo.

²¹³ “Cindi lwizi lwaita ku Lwizi nyina”: Cila inda kusangana mbungano. Ci tola kunji kwiinda kusukana maanza a mukambausi. Ci tola kunji kwiinda kupona buumi, buboto butonkomene. Ci tola cintucimwi cakukkutya mukati kanu, obo butila ansi kuzwa kuli Leza, mu buntu. “I lwizi lulaita ku Lwizi, ku kuvuuma kwa milonga Yako, O Mwami. I lwizi lulaita ku Lwizi nyina!”

²¹⁴ Ino musyobo nzi wa nyota ngo tukonzya kuyeeya muli ndiswe sunumasiku? Swebo, mbuli bantu ba Pentekoste, nkokuli nko tuyu? Ino musyobo nzi wa nyota uli muli ndiswe? Ino musyobo nzi wa nyota uli muli ndime? Ino musyobo nzi wa nyota uli muli nduwe? Uta soli kutontozya nyota eyo iisalala ya Leza.

²¹⁵ Myaka yakainda, cindi nibakali kuba a ngolide okuno mu malundu. Nda kabala kaano, myaka minji yakainda, lyoonse kali a ndime. Lya kati kwa kali ii—ii sikuyandaula zyabuvubi wa kaunka okuno kubusena bumwi kwiindilila malundu okuno, alimwi wakali kuvwentaunya ngolide, nkabela waka donkola kutaminina buvubi. Elyo wa kapiluka, kayeeya; cindi na kasika ku munzi, obo mbwa yooba, mapenzi akwe oonse akali manide. Elyo—elyo wa—wa kasola ku—ku kwaamba, “Juunza Njo njila nkabela Njo...” Lweedo buyo lwa buzuba bomwe, na kaba mu dolopo, alimwi na kajana ngolide. Alimwi wa ka jisi saka pati lya kazwide njyo.

²¹⁶ Wa kajisi mubwa a nguwe. Kutali kweezyanisa lino mubwa ku Muuya Uusalala, pele mbuli Mbwe panga bupanduluzi. Pele oyu mubwa...

²¹⁷ Busiku boonse, sikuyandaula zyabuvubi wakalala aa bulo bwakwe, elyo—elyo wa katalika kuyeeya, “Lino, juunza Ndiyo—Ndiyo bweza ngolide yangu yoonse mukati, nkabela Njo oba buyo eco Nce kali kuyanda kuba lyoonse. Nda—Nda—Nda kali kuyanda kuba muntu muvubi lyoonse. Nda—Nda kali kuyanda zintu zibotu mwini, azimwi zimbi.”

²¹⁸ Elyo—elyo mpawo mubwa oyu wakatalika kuuma, alimwi nkaambo kwakali sinkondo wakali kuswena. Elyo wa—wa kaunka okuya, elyo wa kati, “Koumuna!” Elyo aboobo mubwa waka umuna. Elyo mbwa kajokede buyo mu bulo, wa katalika mbuli kuti wa kali kuyo ona, elyo mubwa waka talika alubo, kusotauka buyo ku nketani. Elyo wa kaunka ku mulyango alubo, kati, “Koumuna! Ndi yanda kuti uzibe kuti juunza Ndili muntu muvubi, mwabona,” alimwi ezyo zyakali zipati ziloto zyakwe. Pele mubwa waka talika kuwa alubo.

²¹⁹ Elyo kumalekelo, wa katyompwa kapati, wa kaunka a kubweza shotigani yakwe a kudubula mubwa, a kumujaya. Wa kati, “Nse kabi limbi a ncito kuli nduwe, nekuba. Juunza Ndili muntu muvubi. Njo oba muntu muvubi, juunza.”

²²⁰ Elyo wa kabikka ntobolo ansi mu kkona, wakanyona sule lyakwe ku mulyango, wakoona. Elyo muntu wakali kumutobela, kwa mazuba, waka sobelela mukati a kumujaya. Ta kali muntu muvubi, mwabona, wa kalesya ako kalnagu kaniini kakali kusola ku mwaambila kuti buumi bwakwe bwakali mu ntenda.

²²¹ Elyo, mukwesu, mucizi, to kakonzyi ku... Uta soli kutontozya kwiitwa oko kusalala mu moyo wako, mwabona, kwiinda ku kusangana mbungano, kwiinda ku kuloolola kayanza kabuzumini, kwiinda ku kuzulilwa ku kabunga kamwi.

²²² Kuli cintu comwe biyo cikonzya ku cikkutya, oyo ngo Muntu, Jesu Kristo. “Mbuli insya mbwi fwekembela maanzi aku kalonga, aboobo muuya wangu usukamina Nduwe, O Leza. Buntu bwangu busukamina Leza muumi!” Mwabona, kuli cintucimwi muli ndinywe, eco ciyanda kubona kweenda kwa Leza. Buntu bwako bula Bufwida nyota. Uta imi cili conse cifwiimpa ca Ceeco.

²²³ Muta lekeli mweembeli umwi ku mwaambila, “We elede buyo kusukana janza lyakwe, kusangana mbungano, na kuzulilwa ku kabunga *aka*.” Uta lesyi kwiita oko kusalala. kwalo nkucenjezya kuli nduwe. Buzuba bumwi buya kusika noya kuselemuka magolela a lweendo.

²²⁴ Mbuli mulindu muniini mu dolopo lyesu nko twa kazwida. Waa kaambila i... I musimbi muniini wakaunka kutala kuya ku cikombelo, a musimbi muniini mubotu loko. Elyo waa kali kuselemuka kagwagwa. Waa kajisi masusu malamfu, nywebo mulizi, a masusu akwe kukwelela kusule mbuli mucenjezu wa hanyisi, kutandila, a busyu bwakwe bwakaboneka... kakutakwe misila. Alimwi oyu musimbi wakali kumuseka, kati, “Ikuti na notaka jisi oyo mukambausi ujisi kuyeyya kwaansi ngo jisi kutala okuya,” kukanana ndime, kati—kati, “inga walibonya mbuli cintucimwi cililemeka kabotu. Pele ulibonya mbuli cintucimwi kuzwa mu cintoolo cazisakatizyo zyakaindi ziyanidis.” Elyo, oh, waa kamulumba ncobeni atala lya makala, ziindi zyoonse nakali kukonzya kumubona mbuli boobo. Kati,

“Mweembeli wesi ula swiilila ku miyeyeo ya bamwi.” Kati, “Uli—uli—uli bazi. Kuti, nkaambonzi nco cita boobo? Eco ta caambi cintu cili coonse, obo mbo sama na kuyeeya.” Lila cita! Bbaibbele lya Leza lilaamba kuti lilacita. Tuyo ponena ku Ijwi lyoonse!

²²⁵ Aboobo oyu musimbi muniini takabikkila maanu kuli nguwe, kazumanana. Walo ngu missionari lino.

²²⁶ Aboobo mpawo oyu—oyu mulindu mukubusyi wakabweza bulwazi bwa buleya, nkabela waa kafwa. Ii mweenzuma wangu wakaguja musamu uulesya mibili kubola muli nguwe cindi nakali kufwa. Wa ka ndaambila, kati... Nakamana kufwa, wa kazumanana kununkizya ntabwa. Waa kajisi kapulo kakalya ku lubazu lwakwe, bulwazi bwa buleya. Tiiba kacita akwalo... Nobaba bazyali bakwe tiiba kazi cakalubide kuli nguwe. Elyo waa kafwa. Pele kataninga kufwa...

²²⁷ Waa kayiisya cikolo ca Munsondo. Elyo boonse nkamu yakwe niini ya kwiiya Munsono yakanjila, ba kali kuyanda kumubona cindi na kaunka ku Julu, Baangelo bakasika a kumu bweza. Elyo mweembeli wakwe anze, kafweba musanga watombwe, keenda kumbele lya hoolo mu cibbadela. Elyo boonse bakali kuyoimba cindi nakali kuyo fwa, nywebo mulizi. Ba kalizi kuti wakeelede kufwa. Madokotela bakati waa kali kufwa, aboobo boonse bakali kuyo bona Baangelo kabasika, kaba mutola.

²²⁸ Elyo mpoonya buyo, cindi nalanganya kasimpe! Lino, waa kali simbungano uusyomeka, waa kali mwiiyi wa cikolo ca Munsono, a membala wambungano usyomeka uzulilwa ku mbungano yakabungwe mpati mboto. Pele cindi naka talika kupengaana, lufu lwaka muuma; meso akwe akatuluka, elyo waa kati, “Ndili sweekede!” Waa kati, “Ndili sweekede! Koya, kalete mweembeli!”

²²⁹ Wa kabikka musanga wakwe watombwe, a kunjila, kati, “Awa, awa! Awa, awa! Tuyo citya dokotela nsuda ya kubuka.”

²³⁰ Kati, “Nse yandi nsunda ya kubusya.” Kati, “Yebo silweeno wa muntu! Ndili mukufwa, alimwi Ndiya ku gehena. Elyo Ndili sweekede nkaambo mwakakilwa kundaambila Bwini. Koya kalete oyo musimbi muniini Sikudana mubotu, akumu leta atala awa kuli ndime, ca kubinda. Uli luzi.”

²³¹ Lindila ukalanganye kasimpe ciindi cimwi. Ta soli kulesya oko kwiiita kusalala. Uta Ku zimi kubelesya shotigani ya miluli yobilo, ya lwiiyo, lwa busyaasunu. Amu swiilile ku kucenjezegwa oko kwa Muuya Uusalala, sunumasiku, oko nku mucenjezya, “Ndime Nzila, Bwini, a Buumi; taakwe muntu uboola kuli Taata, pele kwiinda kuli Ndime.” Elyo Walo ndi Ijwi.

Atu kotamike mitwe yesu kwakaindi kaniini buyo.

²³² Ndi yanda kabalulula Ijwi lyomwe limbi lya Mwami Jesu, kuciindi nomuyeeya kujatikizya ncico. Jesu wakati, muli

Matayo 5, “Bali acoolwe abo bafwa nzala a nyota.” Kuli lelekedwe akwalo kuba a nyota muli nduwe. Sa wasika ku kasena kakuti bubambe bwako—bwako—bwako boonse bwaka sofwaazigwa loko kwiinda ku zyatubungwe, a tukamu tuniini twa nguzuuzu a nkamu zya bantu, a zintu, malailile maniimi aa mbungano, aakulibotezya, mbuli kusangana zisangabalilo, a zimwi zimbi, kuzwa ku mbungano kuyaku mbungano? Sa dyabulosi wakakonzya kubikka ayo maanzi abusofwi, nkabela ula yuumbana muli ngao, mbuli ngulube mu cigelo? Cindi, tozyi akwalo obo nyota ini iikkutya ya Leza; ku Mu bona, kasimpe, kwiinda ku Muuya Uusalala kaupona muli nduwe, a kuyubulula. Ikuti na uli—ikuti na uli boobo sunumasiku, ikuti na ucifwa nyota ya Leza, andi kwaambile:

Kuli Kasensa kazwide a Bulowa,
Kazwa kunsinga zya Imanuele,
Oko basizibi nko badumpukila kunsi ly
zambangulwe,
Kusweekelwa twiimba toonse twa milandu
yabo.

Mubbi oyo wakali kufwa wakatangala kubona
Ako Kasensa mu buzuba bwakwe;
Kuti ndiza Mebo, nekubakuti ndili mubi mbuli
nguwe,
Sanzya zibi zyangu zyoonse.

Kuzwida ciindi Ne kabona kalonga ako
Zilonda zyako zilazwa kasensa,
Luyando lunununa lwa li mwaambo wangu,
Eryo luyooba mane Nka fwe.

²³³ Ikuti na ujisi nyota eyo sunumasiku, kuziba kunji kujatikizya Leza, a kuboola munsi loko kuli Nguwe, sa inga watambilka buyo janza lyako lino? Kuciindi mitwe yoonse noikoteme, kwaamba, “Kondi kombela.” O Leza, kolanga ku maanza!

²³⁴ Kuya mu cisi omo kapepele moka boola lino, kuzwa Kujwe, Kunyika, Kumbo, a Kumusanza, nywebo mu twaanda, amutambike maanza anu ku beembeli a kufumbwa ciliko, kuti mula yanda; yebo, cintucimwi muli nduwe, cisukamina Leza. Eyo nyota isalala!

²³⁵ Muta cikkutya . . . Oh, yebo wati, “Mukwesu Branham, Nda—Nda kaongolola lomwe. Nda kazyana mu Muuya.” Muta, muta, muta bwezi eco. Peepe.

²³⁶ Amulindile mane kukkutila kwaboola, Cibeela ca kukkutila ica buzule bwa Muuya Uusalala canjila, mpawo milangu eyi ya lutangalo iya koongolola, a kwaambaula mu myaambo, a kuzyana mu Muuya, kuyo boola. To kayandiki kucicita ku ciimbo. Uyo cicita cindi waselemukila mu mugwagwa, mu mootokala wako. Uyo cicita cindi wafumpa cibuye. Uyo cicita

cindi wa kankamina mpikili mu bulambo, a mulimo wako wa bubezi. Kufumbwa nkobede, olo Lutangalo lutaambiki a kuzula kwa bulemu!

Lino atu kombe.

²³⁷ Oyandwa Taata Wakujulu! Walo, Mulumbe, mulamfu loko, wabambwa muniini sunumasiku, pele, Oyandwa Leza, akube kuti Muuya Uusalala Wako uvune i—i bupanduluzi ku moyo aumwi. Moonya mu mbungano eyi, sunumasiku, kwa kavuzya buyo myeelwe ya maanza mujulu, lweendo loonse kuzunguluka mahoolo a koonse. Twa—twa lomba, oyandwa Leza, kuli mbabo. Oh, akube kuti eco Caabilo cikkutya ca Leza (uuli ngu Kristo, Bulangizi bwa Bulemu, Bulangizi bwa Buumi, muli ndinywe), akube kuti Li boole kuli umwi aumwi wabo.

²³⁸ Kulaale koonse ku cisi, kuzwa ku California, kulaale kutala mu New York lino, oko nkocili kuseeni maningi, bala swiilila ku kapepele kuya; okuya mu—mu New Hampshire, alimwi ansi mu Boston, a lweendo loonse kuselemukila mu Texas, kwiinda mu Indiana, kubusena mu California, a koonse. O Leza, kolanga ku maanza ayo; kolanga eco cili kunsi lyabo, Mwami, moyo oyo awo uli mukufwa nzala a nyota.

²³⁹ Obu buzuba bwakupilingana, awo dyabulosi mpa ofwaazy meso aa bantu, kusangana buyo mbungano, a kwaamba, “Nku koonse nkobulide.” Elyo bacilanga kuli lwabo beni a kubona nzila mbo bacita, a kuyandisya nko beeleded kuba mbuli inyika.

²⁴⁰ Cindi, Bbaibbele lila twaambila, “Ikuti na akwalo tula ziyanda zintu zya inyika, luyandisyo lwa Leza taluko nomuba muli ndiswe.”

²⁴¹ Amuyeeeye buyo, Taata, obo mbwa kapilingana kuti inga wa bamba Ijwi eelyo lya bwini ncobeni, obo mbo bakonzya kwaamba kuti, “Oh, tula syoma Bbaibbele, pele kutali *Eli*. Ta tusyomi *Eci*. Tula syoma kuti *Eci* cakali ca bukkalo bumbi. Tula syoma kuti *eci Nceeco*,” nkaambo, kabungwe kamwi kakanyonganaya mizeezo yabo kuba mu cibbotela eco.

²⁴² Cindi, Jesu wakati, “Kufumbwa muntu uyo gwisya Ijwi lyomwe kuzwa kuli *Eli*, na kuyungizya ijwi lyomwe kuli Ndilyo, cibeela cakwe ciyo gusigwa mu Bbuku lya Buumi.”

²⁴³ Oyandwa Leza! Koyeeya kutyompwa okuya ku Lubeta, cindi bantu niba kapona buumi, busalala bubotu, busalala bubotu, kaunka ku mbungano cakusyomeka mbuli mbo bakali kukonzya kuba, a kusweeka.

²⁴⁴ Amuyeeye abo ba Farisi, obo, kuzwa ku balombe baniini, ba kayiisiga mu Ijwi, kaboola kwiinda mu zikolo a zintu zyoonse, kusalala (zya keelede kuba, na inga ba kaumwa mabwe calufu), elyo Jesu wakati, “Muli bauso wanu dyabulosi.”

²⁴⁵ Obo Israyeli mboya kaselemuka okuya! Elyo akube kucenjezegwa oku kuli ba Pentekoste, Mwami, kulanduka cisi.

Obo Musa, musinsimi, mbwa kaseluka mu Egepita, ku kuzulizya Ijwi ly a Leza, kuleta mumuni waku mangolezya kuli mbabo! Obo mbo bakabona maleele mapati aa Leza! Obo mbo baka mutobela, kazabuka Lwizi Lusalala, baka bapatizingwa kuli nguwe, kanjila mu nkanda a kulya cakulya ca Baangelo abo bakawa kuzwa ku Julu. Elyo mpawo wakaka kubweza Ijwi lyoonse, cindi niba kajokela kuzwa ku Kadeshi bania...ku Kadeshi bania, kuzwa i—kuzwa ku nyika ya cisyomezyo, a kuti, “bali mbuli mabbabbani; ta tukonzyi kucicita.” Cindi, Leza wakati, “Nda mupa kale nyika”! Munyinza! Jesu wakati, “Balo, boonse, bakanyonyooka. Bali fwide,” basweekede, kakutakwe Leza, nekubakuti bakacita zintu ezi zyoonse. Ba kabona maleele aya; akabotelwa, kazyana koonse akoonse aa nkomwe ya lwizi, a Miriamu, cindi niba kauma nsaka. Elyo otatwe biyo, kuzwa mu mamilioni obilo, aka njila.

²⁴⁶ Tula mvwisya, Taata, kuti cindi nseke, nseke kuzwa ku mweenze a muzyazi, kuboola antoomwe, kuli biyo omwe, kuzwa mu milioni, oyo utambulwa. Nseke yomwe kuzwa ku mweenze ila jana iji lijisi munzuka wa mwanakazi, muzyazi, nkabela zimwi zili milioni zila nyonyooka.

²⁴⁷ Kuli bali mamilioni, mamilioni obilo, bakazwa mu Egepita; bobilo, Joshua a Kalebi, baka njila mu nyika. Omwe kuzwa mu milioni. Taata, Nda—Nda kankama cindi Nda yeeya ceeco. Amuyeeye, ku inyika yoonse sunu, Banakristo bali mamilioni ali myaanda yosanwe, abo banga baba bali myaanda yosanwe ikuti na Mweelede kuboola sunumasiku. O Leza, atu yeeye kuti Ijwi lyoonse ly a Leza liimvwi, ciibalusyo. Twe elede ku Li syoma. Twe elede ku Li swiilila.

²⁴⁸ Elyo cindi Wa kati, “Amusanduke, umwi aumwi wanu, a kubapatizingwa mu Zina ly a Jesu Kristo kuti mujatilwe zibi, nkabela moyo tambula cipego ca Muuya Uusalala. Nkambo cisyomezyo cili kuli ndinywe, a ku bana banu, a kuli baabo bali kulaale, abalo boonse Mwami Leza wesu mbayo ita.” Elyo, Leza, Yebo uciita, sunumasiku, alimwi cisyomezyo cili kufumbwa kuti Koita.

²⁴⁹ Elyo bapaizi baka nyonganya mizeeza ya bantu abo, a kuci lailila kwiinda ku cikolo, ca lwiyyo lwabukombi cakabungwe, ku cintu ca kwaamba, “Oh, ko syoma buyo.” I dyabulosi ula syoma awalo, pele ta konzyi kutambula Muuya Uusalala. Judasi Iskarioti wakali i...kacita boonse i—i bamwi, basikwiyya bakacita, kukambauka Makanimabotu; pele cindi nicaka boola kuli nguwe kujana Muuya Uusalala, wa katondezya bube bwakwe bwini.

²⁵⁰ Leza, akube kuti bantu ba cisi sunumasiku bamvwisy eco, kakutakwe luzibo olo, bali sweekede. Akube kuti cibe sunumasiku kuti buntu bwabo buyo kkutila a Caabilo Cako, Mwami, mbuli mbo tu bapa mu janza Lyako. Mbi Bako, Mwami.

Tu jisi buyo mulimo wa Ijwi. Nda komba kuti bayo syoma a moyo wabo oonse, a kuzuzigwa Muuya Usalala. Twa lomba mu Zina ly'a Jesu. Ameni.

Nda Mu yanda, Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

²⁵¹ Oh, sa Walo Caabilo cako cikkutya? [Mbunga yaamba, “Ameni.”—Mul.] Oh, ma! Mula Mu yanda a moyo wanu oonse? [“Ameni.”] Lino, alo Majwi ziindizimwi alatenda, pele atwi imbe buyo mu Muuya lino, mwabona, umwi aumwi wesu lino. Atu sukane maanza a mukwesu uukkede munsi lyako, mucizi, a kwaamba buyo kuti, “Leza aku longezye, omuzwakule,” mbuli mbo tu ciimba alubo.

Nda . . . (. . . ? . . .)

²⁵² Lino twa kasukana maanza umwi aumwi. Lino atu jale meso esu a kwimba mu Muuya, amutambike maanza esu kuli Nguwe.

Nda Mu yanda, Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

Oh, sa Tali mubotuloko?

Mubotu, mubotu, Jesu kuli ndime,
 I Sinkuta, Mwami wa Luumuno, Leza Singuzu
 Mbwa bede;
 Oh, kundi futula, kundi tantamuna ku zibi
 zyoонse a nsoni,
 Mubotu Munununi wangu, lilumbaizigwe Zina
 Lyakwe!

Oh, mubotu, mubotu, Jesu kuli ndime,
 Sinkuta, Mwami wa Luumuno, Leza Singuzu
 Mbwa bede;
 Kundi futula, kundi tantamuna ku zibi a
 mause oonse,
 Mubotu Munununi wangu, lilumbaizigwe Zina
 Lyakwe!

²⁵³ Oh, sa mula botelwa kujatikizya luzibo lwanu a Kristo? Sa Tali mubotuloko? Sa Ta kkutilide?

Nda kali swekede limwi, ino Nda kajanwa,
 kwanguluka ku mulandu,
 Jesu ulapa bulubusi a lufutuko luzwide;
 Kundi futula, kundi tantamuna ku zibi a
 mause oonse,
 Mubotuloko Munununi wangu, lilumbaizigwe
 Zina Lyakwe.

Oh, mubotu, mubotu, Jesu kuli ndime,
 Sinkuta, Mwami wa Luumuno, Leza Singuzu
 Mbwa bede;
 Oh, kundi futula, kundi tantamuna ku zibi
 zyoonse a nsoni,
 Mubotu Munununi wangu, lilumbaizigwe Zina
 Lyakwe!

²⁵⁴ Sena mula syoma kuti eco nca Malembe? I Bbaibbele lyakati, "Amukambe maanza anu. Amupange coongo calutangalo ku Mwami." Nywebo mulizi, lyoonse Nda kali kuyanda kulizya ziimbo. Mwana wangu musimbi, Rebekah, uli mukubweza piyano. Mulombe wangu muniini uli utola mweembo. Pele Nda—Nda kaiya cilimba ca tutambo tuli kkumi.

Mubotu, mubotu, Jesu kuli ndime,
 Sinkuta, Mwami wa Luumuno, Leza Singuzu
 Mbwa bede;
 Kundi futula, kundi tantamuna ku zibi a
 mause oonse,
 Mubotu Munununi wangu, lilumbaizigwe Zina
 Lyakwe!

Sena mula Mu yanda?

Tuyo enda mu Mumuni, Mumuni mubotu,
 Amuboole oko madosi amume wa luse nkwa
 balama;
 Kumweka kuzunguluka ndiswe toonse isikati
 a masiku,
 Jesu, Mumuni wa inyika.

Tuyo enda mu Mumuni, walo Mumuni mubotu
 boobu,
 Uzwa oko madosi amume aa luse nkwalama;
 Kumweka kuzunguluka ndiswe toonse isikati
 a masiku,
 Jesu, Mumuni wa inyika.

²⁵⁵ [Mukwesu Branham wang'ung'unna *Jesu, Mumuni wa Inyika*—Mul.] Kukomba Leza a zintuzyonse nzo jisi.

Cindi basalali baunka kumaccing'a kunjila,
 Cindi basalali baunka kumaccing'a kunjila,
 Mwami, Ndi yanda kuba mu mweelwe oyo
 Cindi basalali baunka kumaccing'a kunjila.

Oh, cindi ba Mu samika musyini Mwami wa
 boonse,
 Cindi ba Mu samika musyini Mwami wa
 boonse,
 Mwami, Ndi yanda kuba mu mweelwe oyo
 Cindi ba Mu samika musyini Mwami wa
 boonse.

Oh, cindi zuba ly a kaka kumweka,
 Cindi zuba ly a kaka kumweka,
 Mwami, Ndi yanda kuba mu mweelwe oyo
 Cindi zuba ly a kaka kumweka.

²⁵⁶ Sena mula ciyanda eco? Lino Nda libuzya ikuti na wakasanduka matende ako, to zyani limbi, okuya nkambo ka inyika? Mwabona? Atu uma matende esu, ku Mwami, ku Mwami. Yebo, sa maanza ako asanduka, tocibbi limbi? Milomo yako yasanduka, to beji limbi? Uta bi buyo abukombi mu mutwe wako, ko bubikka koonse. Nce ncico. Citola muntu oonse. Mbo mbubo. Lino atu uma matende esu.

Cindi basalali baunka kumaccing'a kunjila,
 Cindi basalali baunka kumaccing'a kunjila,
 Mwami, Ndi yanda kuba mu mweelwe oyo
 Cindi basalali baunka kumaccing'a kunjila.

Oh, cindi basalali banjila kaba macching'a
 kunjila,
 Cindi basalali baunka kumaccing'a kunjila,
 Mwami, Ndi yanda kuba mu mweelwe oyo
 Cindi basalali baunka kumaccing'a kunjila.

Lino atu tambike buyo maanza esu.

Cindi basalali baunka kumaccing'a kunjila,
 Cindi basalali baunka kumaccing'a kunjila,
 O Mwami, Ndi yanda kuba mu mweelwe oyo
 Cindi basalali baunka kumaccing'a kunjila.

Cindi ba Mu samika musyini Mwami wa
 boonse,
 Cindi ba Mu samika musyini Mwami wa
 boonse,
 Mwami, Ndi yanda kuba mu mweelwe oyo
 Cindi ba Mu samika musyini Mwami wa
 boonse.

²⁵⁷ Sena mula Mu yanda?

Mpawo tuyu enda mu Mumuni (Walo Mumuni,
 nywebo mulizi.), Walo Mumuni mubotu,
 Uzwa oko madosi amume aa luse nkwabalam;
 Ee, kutu mwekela toonse, masikati a masiku,
 Jesu, Mumuni wa inyika.

²⁵⁸ Sena mula syoma kuti Walo Mumuni wa inyika? [Mbunga yaamba, “Ameni.”—Mul.] Sena mulacita? Paulo wakati, “Cindi Nda imba, Njo imba mu Muuya. Ikuti na Nda komba, Njo komba mu Muuya.” Mwabona, kufumbwa necita, kocicita coonse mu Muuya. Mbo mbubo. Elyo Muuya ulaireta Ijwi ku Buumi. Sa mbo mbubo? Mbo mbubo. Iiyi, munene.

Nyoonse nobasalali ba Mumuni
 amwaambilizye,
 Jesu, Mumuni wa inyika;
 Luzyalo a luse mu Zina Lyakwe,
 Jesu, Mumuni wa . . .

Mpawo ncinzi nco tucita?

Tuyo enda mu Mumuni, Mumuni mubotu,
 Amuboole oko madosi amume wa luse nkwa
 balama;
 Kumweka kuzunguluka ndiswe toonse isikati
 a masiku,
 Jesu, Mumuni wa inyika.

²⁵⁹ Mundi jatile ku munyonganya noasikulizya, mbuli boobo, pele Ndi bwezwa buyo. Ta ndizi cibotu kwiinda kukomba buyo. Eyo nje nzila mbo cicita. Iiyi, munene. Ndili lumbide ku coolwe eci, Mukwesu Mack, kuboola a kuba aluswaanano andinywe a mbungano yanu okuno sunumasiku, boonse aba bantu babotu.

²⁶⁰ Elyo nywebo nomwa tambika maanza anu ku lubbizo lwa Muuya Uusalala, Ndi syoma kuti muyo swaana Mweembeli Mack awa, na bamwi babo, a kujokela mu kaanda awa. Elyo amuyeeeye buyo, cindi Leza na kaamba Ijwi ku matalikilo, a kuti “akube,” kwa keelede kuba! Elyo Wa kati, “Bali acoolwe abo bafwa nzala a nyota ya bululami, nkambo bayo kkutisigwa.” Mwabona, ceelede kicitika. Boola kuswaya mweembeli wako okuno, a kwiima munsi lyakwe mbuli mbwa kambauka Makanimabotu.

²⁶¹ Lino atwi imbe alubo eyo nyimbo mbotu yakaindi, Nda iyanda ncobeni eyo, “Tuyo enda mu Mumuni.”

²⁶² Jesu wakati, “Ndime Mumuni,” alimwi uli muli Nguwe. Mwabona? Mbobuti mbo njila muli Nguwe? Ku Mu sangana? Peepe. Kuzungaana? Peepe. Lubbizyo lwa maanzi? Peepe. “Ku Muuya omwe toonse twa kabbizigwa mu Mubili omwe, uuli Mubili wa Kristo.” Elyo mu Mubili oyo kuli zipego zya kumuuya zili fuka kazibeleva kwiinda mu mubili wamubusena, mbungano ya mubusena. Eco nca buapostolo, ikuti na Nda kasola kuciziba. Mbo mbubo.

Aboobo tuyo zumanana mu Mumuni, mu
 Mumuni mubotu,
 Uzwa oko madosi amume aa luse nkwa . . .
 (Yaa! . . . ? . . .)

Kutu mwekela toonse, masikati a ku . . . (Kwali
 kubotu ncobeni!)



NYOTA TNG65-0919
(Thirst)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsono mangolezya, Itwi 19, 1965, ku Grantway Assembly Og God in Tucson, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org